

Rom

1 ¹Ŋai Pol, Jesus Kristus san urat tamol, an̄sam na girek en ŋiganeg ipalu ya. Anut sen ŋai ipilianag a, an lo in̄san aposel ŋilasa ya. Ago dop an lo ŋai Anut san bilaluŋ uyanan an ŋabol ilasa wa. ²In̄ gubak mi in̄san profet awad lo promis id ipanad ak igo, murnap bilaluŋ uyanan en ilasa wa, agod profet an bilaluŋ en niŋen o in̄aned girek gun ak lo digire ya. ³Bilaluŋ uyanan en man in̄anen Nanun idsad Tubun ak ilasa wan niŋen o ibol. Nanun emaiak tinin lo man bagen Dawid san dar lo ilasa ya. ⁴Gug Awan Urgan in̄ tamol an san dabai tutubu yan ikubiai panad a, man dugo, materŋ lo imasag kumaen imado yan tile ya. Ago man Urgan kulob an lo in̄ niŋen o igo ibol, tamol en Anut Nanun mok a. In̄ Jesus Kristus, idsad Tubun a. ⁵In̄ lo mi Anut maŋ ilon imuŋanama ya, agod maŋ yaŋak aposel an ipanama ya. Maŋ urat migane yan lo, tamolpein Juda tia yak fidian luluŋad lo tamolpein aenta migiaip, an lo Jesus niŋen o ilod rumok pe in̄anen awan paen na dumado wa. Maŋ ago migane wo ipilianama ya. ⁶Agod aŋ dam tamolpein ensauta a Anut igiaig in̄anen tamolpein dilasa yan luluŋad lo amado ya.

⁷Aria, ŋai aŋ Rom tamolpein sam na girek en ŋigane ipalu da. Anut aŋ niŋemi wo tubun mi imat da, agog in̄san tamolpein gun ak amado wo igiaŋ a. Anut idsad Tamad, agod Jesus Kristus idsad Tubun en, in̄ mi in̄sad ilo panek agod in̄sad maror aŋ lo pempem yen a.

Pol Rom tamolpein yil o imat a

⁸Mel malmalan ŋurupaiaŋ man igo ya. Saen aŋ fidian niŋemi wo ilog isou dop man ŋai Jesus Kristus lo Anut ilo uyan ŋupani da. Man dugo, tan fufulek fidian en san tamolpein in̄ an̄sam ilo rumok Jesus lo yan niŋen o diŋiŋeŋ da. ⁹Man dugo, Anut e ŋai ilog fidian lo in̄anen Nanun san bilaluŋ uyan ak lo biabi ŋigane den, patug fo itur dugo ŋaisag niŋeŋ isatuani da, ŋaisag gudanek lo pempem aŋ ilog isou dop niŋemi wo ŋugudani da. ¹⁰Aria, ŋai gamu igo ŋusumiani dak, in̄ dalawan ta ipasi panag dop an̄sam na ŋupalu wa. Saen wei mi ŋai ago ŋusumiani se ya, gug dal ta ikubiai panag man tia ya. Nap in̄ ilon ibol tap, gamu ŋai ka an̄sam na ŋupalu wa.

¹¹Ŋai ŋilian o ilog tubun mi ibol da. Man ata wo? Ŋai ilog lo Urgan san bar uyan ak ta ka ŋupanaŋ pe lo anjanem ilo rumok iganep dabai a. ¹²An mi tia ya, tia, nug san ilo rumok lo nug ilon tabisa wa. Ansam lo ŋai dabai ŋiŋane dop, ŋaisag lo aŋ dam dabai anjane wa. ¹³Teig taog, aŋ mel en niŋen o aŋaon banau. Saen wei mi ŋai ansam na ŋupalu wo ŋigane se ya, ak man mel ta pempem ŋaisag dal ifutani dugo ipalu na ya. Ŋaisag urat nuŋon an dam lulunjam lo ifu o ilog ibol da, nek ibol ŋaisag urat nuŋon Juda tia yak aenta lulunjad lo ifu la yak ago mi a.

¹⁴Tamolpein wei mi sad gubun ŋai tinig lo yen da, an niŋen o gubun an ŋusupasip itout a. Grik adi, tamolpein asau adi, tamolpein maŋau ad da yak, tamolpein maŋau ad tia yak lo ago ŋigane wa. ¹⁵Fun an lo na ŋaisag ilog tinig fidian aŋ tamolpein Rom na amado dan dam bilalun uyanan en ŋufulalep alon o ilog ibol da.

¹⁶Ŋai bilalun uyanan e ŋabol ilasa den niŋen o miai ta ifunag na da. Man dugo, Anut san dabai an lo yen da, an lo tamolpein fidian ilod lo rumok dan patud ipasi wa. Malmalan Juda adi, ago gup murna gob adi wa. ¹⁷An niŋen bilalun uyanan en lo, Anut iŋsen dal foun ak ta tamolpein iŋ malan lo itaot dumado wak san igane ilasa ya. Dal an san fun, agod dal an san wadan man ilo rumok lo mi a. Nek ibol ru ta Anut san buk lo digire yan ibol, “Talpein enti iŋ Anut malan lo itaot ak, iŋanen ilo rumok lo mi kumaen imado wa.”

Tan en san tamolpein fidian Anut san tiŋae mumarek paen na dumado da

¹⁸Anut iŋsan tiŋae mumarek id kuai te ikubiai tile da. Anut iŋanen tiŋae mumarek an lo tamolpein iŋ patud dupanig kagin saiak saiak digane dan naon ipidinai da. Man dugo, iŋaned kagin saiak saiak digane dan lo ru rumok ak diabi idu da. ¹⁹Anut iŋ enso Anut ta, iŋsen fun tan en san tamolpein malad lo ta imiani na ya, tia, iŋsen mi iŋanen bunun aenta kuai tem iganeg dile dulon a. ²⁰Fun lo mok Anut tan en iganeg yen ipalug gamu saen en lo man, iŋsan bunun imianuk yen an walal te igane ilasa ya. An igo ya, iŋ Anut mok a, agod iŋsan dabai pempem yen yau da. Mel uraru en kuai te tamolpein ka dile dulon a, iŋsan dabai, agod iŋsan mel idiri an lo banin mitilaen ka dile wa. Ago bo man iŋ Anut dumoi a. Fun amaiak niŋen o iŋ Anut malan lo sed idiraip itaot dilasa wo digane san dal ta yen na da.

²¹Iŋ Anut dulon uyanan ak bo man yaŋan diabisa man dumoi da, agod iŋ ilo uyan dupani man dam dumoi da. Ago man iŋsad ilo sou an nuŋon an tia ya, ago dugo iŋsad kankan kawan ilasa ya, an lo tinid ilon lo tidom tubun an iŋsad ilo burau ituani a. ²²Ago dugo tamolpein an igo dubol, “Maŋ kankan milaen amama da ya.” Ago digane dugo, sed ilod ibali dugo sed buraurau ipidinai se ya. ²³Man ata wo? Iŋ Anut kumaen pempem

imado dan san girager dijane dugo, aben lo tan en san ai mitilaedi digane idu ya. Melmel nek ibol tamol, anakanak, mel mudan, agod mel mot igo yak, sad mitilaedi dusuwig ubou ad dile na ya.

²⁴Fun an nijen o Anut yabianai a. Ago man tamolpein an nun kagin funfun a digane wo bubedi tubun mi imasa se yan, nek ago mi digane na ya. Inj ilod imasag jeit digane dugo nug tinin lo kagin miai ak digane se ya. ²⁵Inj ru rumok Anut nijen o yan dijaneg patud na digane ya, ago dugo aben lo insiganed ru sewak an diganeg duri dupani na ya. An lo Anut insen mok mi yajan diabisa wak dumoi, melmel tan san Anut sen banin nam idiri amaiak ubou amad dile dugo yajad diabisa na ya. Ak man Anut mi inj mel niganag tamol, amaiak nijen o ijanen yajan mi id pempem tabisa wa. Rumok.

²⁶Aria, Anut ijaned kagin sisaik ile yan nijen o, afon yabianai da ya. Ago man tamolpein an ilo masai senamo geig ak miai san an duri dupani na ya. Pein tamol da nug iwon igo dien dan tia, inj kulob Anut imoi amaiak mi diganeg insed pein pein mi nug iwon igo digane na ya. ²⁷Agod an mi tia ya. Tia, tamol dam inj iwod pein dadi dien man dumoi, agog inj bubed imasag tamol tamol mi nug iwon igo dien dugo, kagin miai tubun ak mi digane na ya. An nijen o Anut nun kagin an san naon atem itaot ipidinai a, ago dop insed tinid lo mi ai wadan an dukubiani wa.

²⁸Taida mi, insad ilo sou lo, inj Anut dulonj man mel kawan ak dubol a, an lo insad manau Anut nijen o yan diabi sakar o dumoi dugo, banid lo ilasag ideg yau a. Fun an nijen o Anut afon yabianai da ya. Ago man insad ilo sou saian geig an digane ilasag, an lo fun diganeg kagin sisaik ak sensen an mi digane se ya. ²⁹Tamolpein an insad ilod tinid lo kagin saiak saiak en awan isa ya. Mala sek kagin, kagin saian geig ak, tura susak kagin, tamol dufuni imat ak san kagin, nug paek kagin, sewak kagin, siai kagin, njurjur kagin, ³⁰uf kagin, Anut dile saian san kagin, silei kagin, naj-naj kagin agod se pitianoi kagin. Inj kulob saiak digane wo dal abanj dile da, inj tinad tamad awad kagin ta dupani na da. ³¹Inj njjeo kagin digane dak, insiganed ru ta diganuri na dak, inj ijaned muroud nijedi wo ta dumat na dak, agod ilo munanek amad tia ya. ³²Tamolpein an Anut san kubiaen igane yan dulonj uyanan a, kubiaen an lo ibol ak talpein kulob ago igane dan matenj ile wa. Rumok, inj kubiaen an dulonj gug dumoi, kagin uyan tia yan mi digane yau da. Agod an mi tia, tamolpein kagin ago digane dan dile dugo dupitianai da.

Anut san bitinaek man itaot a

2 ¹Onj enti talpein sen ak kagin sisaik igane dan bitinaek lo ganeg inj lo ru sue dan, dugo, onj Anut malan lo kagin a gane dan fun an tia ya. Tia geig a, man dugo, onj talpein sen ak ta lo ru sue yak gug, kagin sisaik a talpein a igane dan onj dam kagin naon kisaek ago gane

da. Amaiak ninjen o onse bitinaek lo iginio dugo se ibio udu wau da. ²Id talon ak Anut in tamolpein kagin saiak saiak digane dan sad aupasek naon ipidinai a. Ago dop in bitinaek ago igane dan itaot fom igane da. ³Ago man on Anut san bitinaek an lo usol ak i? Man tia ya. On tamol kawan ak mi a, ago gug tamol aenta bitinaek lo dirai da. Ago dugo onse mi insad kagin sisaiak tutunani da. Fun an lo, on ilo isou dak Anut san bitinaek on irinano wak i? An tia geig a! ⁴Anut on ilon imunano dugo saen milaen mi on kagin uyan uyan ak gane wo mala igane da, agod insen yabituani dop muruan ririan ta ipano na da. Dugo, on ilo lo mel an nunon tia yak ubol dugo ule saian di? Anut on ilon imunano san fun man, inanen ilo munanek kagin an lo iduduwo dop ilo bileksa wan ta ulon na i?

⁵Ak man on bube sakar tinan a, agod onane aupasek an lo ilo bileksa man umoi da. Kagin an naon man, onse Anut san tiniae mumarek an se itumani pano da. Agod nal idu dan te dop Anut san bitinaek itaot ak malak malak ikubiaip tile wa, saen an lo dop insan tiniae mumarek an on tini fo iwali idu wa. ⁶Talpein anen anen atem dugo dugo digane yan fom, Anut inaned urat naon atem atem ipidinai a. ⁷Tamolpein aenta inaned kagin naok naok uyan ak digane yau dan lo, girager tubun ak, yanak tubun ak, agod maten dile san tia yan dinane wo aban dile da. Anut tamol naok ago yak kumaen pempem yen yau san an ipidinai a. ⁸Gug tamolpein aenta man, insed titired dufuni dugo insed uyan dumado wo digane da, ago dugo ru rumok an dumoi dugo kagin saiak saiak mi duri da. Anut tamolpein naok ago yan ninedi wo tinan saian geig dop, ibitiniaip insan ilo mumarek tinid fo iwali idu wa. ⁹Saen an lo, tamolpein fidian kagin saiak digane dan, muruan agod ilodi tinan anda dam ifu a, malmalan Juda adi lo ilasa gup, afon Juda tia yak adi lo dam ilasa wa. ¹⁰Ak gug tamolpein a fidian kagin uyan uyan ak digane dan, girager, yanak tubun ak, agod ilo maror dam dinane wa, malmalan Juda adi lo ilasa gup, afon Juda tia yak adi lo dam ilasa wa. ¹¹Man dugo, gidad talpein ta Juda sad dar lo ilasa yan, tia, dar sen ak lo ilasa yan, Anut kagin kisaek mi lo in fidian ibitiniaip inaned naon itaot atem atem ipidinai a.

¹²Tamolpein a fidian Moses san kubiaen amad tia aupasek digane na yan, in kubiaen amad tia dideg diau a. Nek ago mi, tamolpein a fidian Moses san kubiaen amad da yak gug aupasek digane dan, gidad in kubiaen amad da yak bo man in dam dideg diau a. ¹³Man dugo, tamolpein a kududod nam kubiaen san ru kagin dulon ak gug awan ta diabi na dan, Anut malan lo in ta itaot na ya. Tia, tamolpein a kubiaen awan diabi dan mi ninedi wo Anut ibol ak, in itaotan a. ¹⁴Saen tamolpein Moses san kubiaen ta dinane na dugo, insiganed ilo sou lo mi, kubiaen an kagin itaot ak ninjen ibol ago digane tap, gidad kubiaen ta dinane na yak

gug, kubiaen ibol ago digane da. Rumok, in Moses san kubiaen amad tia ya, ago bo man inşed kubiaen amad da ya, ago dugo inşiganed kubiaen an diri da. ¹⁵Inşad kagin naok naok lo talon ak, Moses san kubiaen inşanen ru kagin funfun an bubed lo digire yak yen da. An lo inşiganed ilo sou naon sensen an lo ru kagin irupidai da, saen ta muruan ipidinai dak, saen ta isatuanai da. ¹⁶Awo, nal ta ilasa dop tamolpein a kubiaen dulon gug patud dupani dan, agod tamolpein a kubiaen diganuri dan, in sisem Anut naon na bitinaek lo ditur a. Bilalun uyan ak a ʔai ʔabol ilasa dan lo ibol ak igo, nal an lo dop Anut tamolpein sad kankan mianuk an fidian Jesus Kristus lo kuai te idiri ilasap ibitinae a.

Juda adi in kubiaen ad da yak gug dupilali na ya

¹⁷Gug on, on Juda tamol ubol tap, agod kubiaen mi uri pani tap, agod on Anut ulon ubol go se ipitiano tap, ¹⁸on inşan ilobol ulon ubol tap, mel uyan uyan kubiaen ipiteʔano dan ninen awok pidinai tap, ¹⁹on onşe isişinanop on mala tia adi titianai dak ubol tap, agod on tamolpein tidom tubun dumado dan lilaman pidinai dak ubol tap, ²⁰on tamol burau ak sad ulumbek tamol ubol, agod on nanuk sad girek maʔau mado dak ubol tap, agod on kubiaen ilon lo mi maʔau mok ak in ru rumok da yen dugo ule ulon ak ubol tap, ²¹aria, on aenta piteʔanai da, gug on se ipiteʔano di? On gumagam kagin dumoi o ubol da, ak dugo, onşe ta ugam na di? ²²On aenta jeit kagin digane dumoi o rupidai da, ak dugo, onşe jeit ta gane na di? On tubud sewak ai mitilaen man umoi da, ak dugo, on gob sad ubou ab lo mel uyan uyan ak ta ugam na di? ²³On Anut san kubiaen ninen o ru tubun mi ubol da. Gug on kubiaen an pilalig an lo Anut miai pani da. Dugo, an ta rumok na i? ²⁴Nek ru girek lo ibol ago, “Anşam kagin sisaik ninen o gob adi lulunad lo tamolpein Anut yaʔan ninen o nao futek ru diʔineʔ da.”

²⁵Saen on kubiaen kagin pani yau dan, on tini suʔulon dutute san kagin an nuʔon anda ya. Gug saen on kubiaen pilali man, onşa tini suʔulon tutek an mel kawan igo ilasa ya. ²⁶Nek ago mi, talpein ta gidad tinin suʔulon ta dutute na bo man kubiaen ibol ago igane dan man, en dugo, in tinin suʔulon dutute yak ago Anut ilon ta isou na wak i? Rumok geig, Anut san leil lo talpein an man nek ibol tamol tinin suʔulon dutute yak igo won a. ²⁷Amaiak ninen o tamol a tinin suʔulon ta dutute na bo man kubiaen kagin ipani dan, in on kot ipano dop ibio udu wa. Ata wo? On kubiaen muroun mado dugo, tini suʔulon tutek san kagin inşan muroun dam mado da, ak gug kubiaen nek an pilali da.

²⁸Kagin an ipalug wadan lo enti in Juda tamol mok tabol ak i? Tamol a tini suʔulon tutek san mulun yabi dan, kagin an lo mi in Juda tamol mok ilasa san ta idaisuda na ya. Agod tini suʔulon tutek mok man, mel ta tamol banid nam digane san dam tia ya. ²⁹Tia, tamol ta Juda mok imado

man an ɲutun san, agod tini suɲulon tutek mok man, an bused ilon san mel, an dam ur san mel, gug an kubiaɲ san mel tia ya. Tamol naok ago yak iɲ Anut san na yaɲak tubun ak iɲane wo ilon ibol da, tamol sad na man tia ya.

Anut san bitinaek an itaot a

3 ¹Aria, dal dugon lo Juda iɲ tamolpein aenta diriɲanai i? En ata mel uyan tini suɲulon tutek diɲane dan lo ilasa i? ²Awo, iɲ Juda dilasa yan lo man iɲsad binawek wei mi a. Mel malan malan man igo ya, Anut iɲanen awan aban an kagin dupani uyan o banid lo iɲane ya.

³Gug Juda adi aenta ilod ta rumok na yak niɲen o dugo yak i? Dugo, iɲ ilod ta rumok na yan lo Anut iɲsinanen ru iganuri dan nuɲon tia yak iɲane ilasa wak i? ⁴Man tia mok a. Gidad tamol adi fidian sewak bo man Anut man ago tia ya, tia, iɲ pempem rumok a. Ru ta Anut san buk lo igo ibol,

“Saen oɲ ru ubol ilasa dop, tamolpein fidian kuai tem dile wak oɲane ru an itaot a,
ago dop oɲ bitinaek lo udu bo man, bitinaek an oɲ riɲani wa.”

⁵An niɲen o idsad kagin a ta itaot na yan lo, Anut iɲanen kagin itaot ak kuai te iɲane ilasa da. An lo dop, id dugo tabol ak i? Dugo, Anut iɲanen tiɲae mumarek id tinid fo iɲane dan ta itaot na i? (Ru e ɲabol den niɲen o, tan en san tamol adi sad ilo sou ɲirig sumiaek ago ɲigane da.) ⁶Man tia geig a! Uloɲ. Anut iɲsen ta itaot na tap, en dugo woɲ pe iɲ tan en san tamolpein fidian bitinaek lo idirai san idaisuda wak i? ⁷Gug talpein ta ru naon en ka irupaiaɲ, “ɲaisag kagin sewak lo Anut san kagin rumok ak iɲane kuai te ilasap an lo iɲsan girager an awana da. An rumok tap, ata wo Anut kot ipanag dop ɲaisag aupasek an niɲen o ɲai ibiaɲ ɲadu wak i?” ⁸Id talpein naok an san ru ta tiganuri na wa, kabelan iɲ afon ru igo ibol banau, “Id kagin saian ak tiganep, an lo nuɲon uyan ak ka ilasa wa.” Maɲ ru naok ago yan mabol ilasa dak ago tamolpein aenta dubol da. Ago yan lo maɲ niɲema wo uf digane dugo, yaɲama dipitiɲini da. Anut tamolpein a maɲ niɲema wo ago dubol dan, kot ipidinaip ibiai idu saian geig a, man dugo, iɲ ago diɲane san idaisuda geig a.

Talpein ta itaot man tia ya

⁹En dugo, id Juda adi tamolpein aenta a Juda tia yan tiriɲanai ak i? Man tia geig a. ɲai gubak mi ɲukubiaig ale la ya, Juda tamolpein agod a Juda tia yan dam aupasek san dabai paen na tumado da. ¹⁰Ru ta Anut san buk lo igo ibol,

“Tamolpein fidian ta itaot na ya, ta kisaek dam tia ya.

¹¹Talpein ta kankan milaen aman da man tia ya,
agod talpein ta Anut abaɲan ta yabi na da.

- 12 Tamol fidian mi Anut patud dupanig,
 in fidian sisem tamol mok tia ago dilasa ya.
 In lulunjad lo tamol ta kisaek kagin uyan ak ta igane na da.
 Rumok, ta kisaek tia ya.”
- 13 “Insad awadi man mater san,
 agod in baled fo ru raek saian geig ak iikirir da.”
 “Inaned awad aban farid lo ilasa dan nek ibol mot wagai ak san
 awan uran igo won a.”
- 14 “Inaned awad man misilane ru in ru saiak siai lo ilasa dan da awan
 isa ya.”
- 15 “In bani malak kagin lo, tamolpein tinid dipitijini dak, dufu dumat
 da.
- 16 In dutor dugo insad njiek aban fo man, madok pitijinek, agod ilo
 tinan madai da ago ilasa yau dop diau da.
- 17 In maror san dal, kagin an ta dulong na ya.”
- 18 “Agod Anut njen o durut direr san tinid ta ilon na ya.”
- 19 Aria, id talon ak, Moses san kubiaen dugo ibol dan, ru kagin an
 tamolpein a kubiaen an paen na dumado dan mi irupidai dulong a. Awo,
 Juda adi in Juda tia yak adi da aupasek paen na dumado da. An lo dop
 saen Anut ru ipidinai dop sed ibargiranai san ta idaisuda na ya, tia, tan
 en san tamolpein fidian Anut san bitinaek lo dutur dop ru naon durupe
 a. 20 Amaiak njen o talpein ta kubiaen an iri pani dan lo Anut malan lo
 itaot ta ilasa na wa. Tia, id kubiaen an lo mi dop idsiganed aupasek tile
 talon a.

Ilo rumok lo id itaot tilasa wa

21 Ak gug, gamu Anut in malan lo itaot idirad san dal foun ak iganeg
 walal te ilasag yen da, ago dugo id an tile talon a. Id itaot tilasa san
 dal an kubiaen san dabai lo ilasa man tia ya. Gug Moses san kubiaen
 in profet adi da awad kisaek go mel an njen dubol ilasa ya. 22 Id itaot
 tilasa man Anut idsad ilo rumok Jesus Kristus lo ipanad a. Id fidian Jesus
 Kristus ilod lo rumok dan, an tinane wa. Id fidian, Juda adi, agod Juda
 tia yak dam naon kisaek mi a, 23 man dugo, id fidian aupasek tigane na
 ya. Ago dugo idsad nao lalek man Anut anen nao lalek ago tia ya, tia, id
 fidian ta idaisuda na ya. 24 Ak gug Anut inanen ilo panek lo sen kawan
 naon tia idirad go itaot tilasa ya. In Jesus Kristus idinig id idad injiliad
 o ipalu ya. 25 Anut, Jesus Kristus nek ibol mel ta inisan tinane saiak igane
 itout san igo won, id naod na ikubiaig tile ya. Id in njen o ilod rumok
 dan lo, Anut san tinane saiak Kristus san dar lo ikubune itout an, san
 nunon id tinane wa. In ago igane yak lo kagin itaot an ikubiaig id fidian
 tile ya. Man dugo, Anut sen itaot ago mi ipiranig tamolpein gubak mi
 dumado dan sad aupasek ile bo man naon ta ipidinai se na ya. 26 Fun in

ago igane man, saen gamu en lo iñsen bitinaek lo kagin itaot ak mi igane dan id ikubiaip tile wa, agod iñ talpein a Jesus o ilon rumok dan itaot igane ilasa wa.

²⁷Dugo, id an lo ka sed ipitianad ak i? Kagin naok ago man fun tia ya. Ata wo? Id Moses san kubiaen kagin tupani dak lo yak i? Tia geig a. Id Jesus ninen o ilod lo rumok da, nek fun an mi a. ²⁸Man dugo, id igo tabol, tamol ta iñsan ilo rumok an lo mi Anut iganep itaot ilasa wa, kubiaen san nouk nouk ago kagin igane dan lo tia ya. ²⁹Dugo, Anut iñ Juda mi sad Anut i? Ago dugo, Juda tia yak sad Anut tia i? Tia, iñ Juda tia yak sad Anut dam mi a. ³⁰Man ata wo? Anut iñsen kisaek mi a, fun an ninen o iñsen tamolpein fidian sad Anut. Amaiak ninen o dal kisaek lo mi iñ tamolpein itaot idirai dilasa da, gidad iñ tini suñulon tutek amad da yan, tia, tini suñulon tutek amad tia yan, Anut iñ fidian anen anen atem iñaned ilo rumok Jesus lo yan itaot idirai dilasa wa. ³¹Ago man id ilo rumok san dal an mi turi wo tabol da. An fun man dugo? Moses san kubiaen tabianip nuñon tia ilasa wak ago tabol di? Man tia geig a! Tia, idsad nñeñ en lo kubiaen an tibalsinani da.

Abraham iñ ilon lo rumok an lo itaot ilasa ya

4 ¹Amaiak ninen o Abraham man iñ man Juda sama tubum bagem, tamol amaiak ninen o id dugo tabol ak i? Iñ mel a ninen o imug mabol ilasa se yan dugon kuai ipani ak i? ²Abraham kubiaen ibol ago mi iganeg an lo Anut malan lo itaot ilasa yan rumok tap, iñ ka sen ipitiani wa, gug Anut naon na man ago igane san tia ya. ³Ru Anut san buk lo dugo ibol i? “Abraham Anut san ru ninen o ilon rumok a, fun an lo Anut Abraham iñ tamol itaot ak ago ibol a.”

⁴Saen talpein urat igane dugo iñsan urat naon dupani an ninen lou kawan ak ago ta tabol na da. Tia, iñsan gubun^a urat muroun tinid lo amaiak mi dukubune wa. ⁵Ago gug tamol enti iñ urat ta igane na dan iñ Anut san ru mi ilon lo rumok tap, Anut iñsan ilo rumok ilep malan lo itaot ak ibol a. Man dugo, Anut sen tamol saiadi ak idiraip itaot dilasa wak san Anut. ⁶Kiñ Dawid dam iñ mel naon kisaek an mi ninen o ibol a. Dawid iñ tamol a iñsan urat naon Anut ipani man tia yak gug, Anut iganeg itaot ilasa yan ninen o bar igire ya. Iñ tamol an san ilo uyan ninen o igo ibol,

⁷“Tamolpein ensauta a Anut iñsad aupasek ipare idu dugo, iñsad muruan ituani an, ilod uyanan a.

⁸Talpein enti Anut iñsan aupasek ilon ta isou na dan, iñ bar uyanan iñane ya.”

⁹Dugo, ilo uyan san bar uyanan an tamol tinid suñulon dutute yan iñsad mi ak i? Tia, tamol tinid suñulon ta dutute na yan dam sadi a.

^a Pani

Man dugo, man Anut inſen Abraham itaotan ibol an niſen o mabol da. Anut ago igane man lou kawan ak oſ pan i a. ¹⁰ Saen dugon lo iſ ago igane i? Iſ tinin suſulon dutute gug ago igane i? Tia, tinin suſulon gamugo dutute dugo ago igane yak i? Kulob an tinin suſulon dutute gug lo ta ilasa na ya, tia, kulob an o gubak mi yen la ya. ¹¹ Iſ tinin suſulon gamugo dutute bo man, iſ ilon lo rumok ak lo iſ tamol itaotan ak imado ya. Amaiak lo iſ tinin suſulon dutute yan san kob iſane ya, Anut iſ tamol itaotan ibol an lo kob an kuai isi a. Dal an lo tamolpein fidian a ilod lo rumok gug tinid suſulon ta dutute na yan gidad, Abraham Anut iſ idiraig itaot dilasa yan, iſsad tamad imado ya. ¹² Nek ago mi, iſ dam tamol a tinid suſulon dutute yan tamad imado da. Gug iſ tini suſulon tutek mi ta diſane na da, tia, iſ Abraham san ilo rumok naok igo yan dam diganuri da. Abraham gamugo tinin suſulon dutute dugo, Anut san ru iſ ilon lo rumok a, ilo rumok naon kisaek an mi iſ dam da ya.

¹³ Kubiaen lo Abraham iſanen malan kubulan dadi Anut san promis ta diſane na ya. Promis an Anut tan en, agod fidian tan ilon lo dien dan dam, ipidinai ak ibol a. Ak gug Abraham san saen lo kubiaen an ta yen na ya, ago yan lo iſ kubiaen an iſanuri san tia ya, amaiak niſen o dal an lo promis iſane san tia ya. Tia, iſ ilo rumok anda yak lo itaot ilasa ya, kagin an niſen o mi Anut promis an ipani a. ¹⁴ Man dugo, tamolpein a kubiaen diganuri dan mi melmel an diſane dop man, ilo rumok an dabai an tia ya, agod promis an nuſon tia wa. ¹⁵ Man ata wo? Kubiaen iſ Anut san tiſae mumarek isini ipalu da. Ak gug, kubiaen tia dop man tamol kubiaen ipilali ak niſen o tabol san tia ya.

¹⁶ Fun an niſen o promis an ilo rumok lo mi ipalu ya. Ilo panek iſ promis an san fun, man dugo, Anut sinan ilo panek lo mi Abraham promis an irupei a. Fun an lo promis an san nuſon ilasag Abraham san malan kubulan fidian diſane ya. An tamolpein a kubiaen duganuri dan mi tia ya, tia, a iſ Abraham san ilo rumok lo dutor dan dam promis an diſane ya. Ata wo? Abraham iſ id tamolpein naok naok fidian sad ilo rumok tamad a. ¹⁷ Nek ru ta Anut san buk lo yen dan ago ibol, “Iſai oſ tan titin wei mi san tamolpein iſsad tamadi iſpiliano ya.” Ago man iſ Anut malan lo idsad tamad imado da. Man dugo, iſ Anut ilon lo rumok a. Anut an enti mok ak i? Enti a tamol imat ak kumaen ipidinai dan, agod melmel ta dilasa na yan yaſad ipate dugo ago dilasa yan, nek Anut an mi niſen o Abraham ilon rumok a.

¹⁸ Abraham iſ ilon lo rumok a, gidad malan iſaneg mel an nuſon tia yak igo bo man, iſ mala nouk imado se ya. An niſen o iſ tan titin wei mi sad tamad ilasa ya, iſ o ago ilasa wan niſen o Anut gubak mi igo irupei, “Oſane mala kubulan sad sutek man loſ na lul igo woſ dilasap ago dumado yau a.” ¹⁹ Iſ muruan en ileg ikubiani a, iſsan tinin san dabai itout o sumeik da, ago bo man iſsan ilo rumok ibisei san tia ya. Iſsan

anajar 100 sumeik da, agod Sara san nanuk tanen dam ikukuik a. ²⁰ Ago bo man in Anut san promis ta ibisei nag ilon dam weiwei man tia ya. Tia, inisan ilo rumok isudag dabai geig an lo dabai ipani dugo Anut yajan yabisa se ya. ²¹ Man dugo, inisan ilo rumok tubun an lo in ilon ta weiwei na ya, tia, Anut in dabai anda an lo mel ibol an ago ka igane wak, nek ago ilon isou se ya. ²² Fun an lo “Anut Abraham in tamol itaotan ak ibol a.” ²³ Ru e, “Anut Abraham in tamol itaotan ak ibol an” Abraham ninen o mi ta digire na ya. ²⁴ Tia, id dam ninjed o digire ya. Man dugo, id dam Anut binawek kawan an ipanad pe lo id tamolpein itaotan ak ibol a. Id Anut e idsad Tubun ak Jesus materj lo ifufunig kumaen imasa yen ninen o ilod rumok a, fun an lo in binawek kawan ak ipanad pe itaot tumado wa. ²⁵ Anut in Jesus ibiseig idsad aupasek isuas o materj lo igane yau a, agod id iginiad itaot tilasa wo Jesus materj lo ifufuni yabisag afon kumaen imado da.

Kristus id patud ipasig gamu youd isa da

5 ¹ Fun an ninen o, Anut idsad ilo rumok amaiak lo itaot idirad tilasa ya. Amaiak ninen o id idsad Tubun ak Jesus Kristus lo id Anut da ilo maror lo tumado da. ² Jesus inisen mi idsad dal an lo, id Anut anen ilo panek san ar ilon lo tiladu ya, agod dugo ilo panek an lo tatur da. Agod id Anut da sisem inisan girager an lo tumado wak ninen o mala nouk tumado dugo uyasusai tigane da. ³ Agod an mi tia, muruan tinid fo ipalu bo man uyasusai tigane da. An lo id talon ak, muruan tisini den inisan wadan man, id dabai ipanad pe tatur sakar a. ⁴ Aria, tatur sakar san kagin san wadan man, id ilod lo bunud uyanan igane ilasa wa. Agod bunud uyanan san wadan man, mala nouk tumado san kagin igane ilasa da. ⁵ Agod id mala nouk tumado dan san kagin an nunon da ya, kagin an ninen o id ilod ta muruan na da. Tia geig a. Man dugo, Anut Awan Urgan id ipanad an lo inanan ilo panek id bubed lo ikulmaek la ya.

⁶ Saen id dabai amad tiag, sed ibinawad san tia yan lo Anut ibinawad a. Nal nek an lo Kristus tamolpein Anut awan duparsisali an ibinawai san ninjedi wo materj ile ya. ⁷ Talpein ta in tamol itaot ak aben injanep imat san ninen o irer mok a. Saen wei mi tamol ta ago igane dop tile man tia ya. Ak gug, nap talpein ta tamol uyan mok ak mi aben injanep ka imat san ninen o irer san tia yak boi. ⁸ Ak man Anut anen ilo panek tubun ak dal en lo ikubiai tile da. Saen id aupasek san dal turi dugo Kristus id ninjed o materj ile ya.

⁹ Gamu inisan dar lo id itaot idirad tilasa ya. Amaiak ninen o rumok, murnap Kristus inisen id patud ipasi dop, Anut tinjae mumarek an lo ta ifunad na wa. ¹⁰ Saen id Anut san ager tumado dugo inanan Nanun san materj lo id Anut san turan muroun tilasa ya. An rumok tap, sapita taida dop in gamu kumaen imado dan lo id ibinawad pe patud ipasi wa. ¹¹ An

mi tia ya, idsad Tubun ak Jesus Kristus lo, id Anut da tutumani an niŋen o yousai tigane da. Man dugo, gamu Kristus lo id Anut da titiŋae mi siai yen an ipasi panad go Anut san turan muroun tilasag tumado da.

Id Adam lo tamat ak gug Kristus lo kumaen tiŋane ya

¹² Aria, ru en alonŋ uyan. Tamol kisaek lo aupasek tan ente isadu ya. Agod iŋsan aupasek an materŋ dam isinig ipalu ya. Dal an lo materŋ an tamolpein fidian lo yau a. Man dugo, tamolpein fidian tamol kisaek an dututunaniŋ au dupas a. ¹³ Rumok, Anut san kubiaenŋ Moses gamugo ipani dugo, saen an lo tamolpein au dupas na ya. Ak man saen kubiaenŋ tia dop, aupasek niŋen o Anut talpein ta tinin ta isupale na wa. ¹⁴ Ak gug gidad, Adam san saen lo yaug Moses san saen lo man materŋ mi ititianad na ya. Nek ago mi, tamolpein a iŋsad aupasek Adam san aupasek igo mi tia yan, materŋ dam ititianai na ya. Aria, alonŋ uyan, Adam man iŋ Tamol a murnap ilasa wan san mitilaen igo wonŋ a.

¹⁵ Ak man, Adam san aupasek, Anut san ilo muŋanek da sad nuŋon naon kisaek tia ya. Tia, tamol kisaek an san aupasek amaiak lo tamolpein wei mi dumat na ya. Gug Anut san ilo muŋanek man tubun di tubun geig a. Anut san ilo muŋanek an lo mi binawek kawan ipanad man, nek tamol kisaek Jesus Kristus mi a. Binawek an san nuŋon man Anut san ilo muŋanek tamolpein wei mi diŋane se ya. ¹⁶ Agod ŋai fon igo ŋabol, Anut san binawek kawan an, tamol kisaek san aupasek an da, nuŋon naon kisaek ta digane ilasa na ya. Tia, tamol kisaek an san aupasek an lo Anut anen bitinaek ilasag, tamolpein fidian ibiai dudu ya. Ak gug, gidad aupasek wei mi ilasa bo man, ilo muŋanek kawan an id Anut malan lo itaot idirad a, an niŋen o id aupasek san naon muruan ipanad san tia ya. ¹⁷ Aria, tamol kisaek an san aupasek lo, materŋ tamolpein fidian sad gurman imado tap, rumok geig, tamol kisaek nek Jesus Kristus lo mi, tamolpein a Anut san ilo muŋanek tubun ak diŋane, agod binawek kawan a Anut malan lo itaot idirai san diŋane yan dam lo, kumaen panu na Kristus paen na gurman dumado wa.

¹⁸ Aria, aupasek kisaek an naon Anut tamolpein fidian bitinaek lo ibiai dudu ya. Nek ago mi, tamol kisaek san kulob itaot an san nuŋon igo ya, Anut malan lo itaot idirai san dal iŋ lo ilasa da. Amaiak lo tamolpein fidian mi kumaen dumado san ka diŋane wa. ¹⁹ Ago mi, tamol kisaek awa parsisalek igane yan lo, tamolpein fidian aupasek digane yau on se ya. Nek ago mi, tamol kisaek awa biek uyanan igane an naon, tamolpein wei mi ibinawaip, murnap Anut malan lo itaot idirai dilasa wa.

²⁰ Anut kubiaenŋ Moses ipani an dugo wak i? Iŋ kubiaenŋ a ipani man fun, aupasek naok wei mi kuai te ilasa wa. Ak gug, saen aupasek tubun ilasa dugo, nek saen an lo mi ilo muŋanek dam ilasag tubun geig go aupasek san dabai iriŋani a. ²¹ Ago man, nek ibol aupasek itirnad go

materj igane ilasa yak igo wonj, gamu id Anut malan lo itaot tumado dan lo, ijsan ilo mujanek ibuluwad pe itirnad dop kumaen yen yau san an idsad Tubun ak Jesus Kristus lo tinjane wa.

Aŋ aupasek patum apani dop afon ta itirnaŋ na wa

6 ¹Ago yak niŋen o id dugo ilod isou dak i? Dugo, id kagin saian an fon mi tigane yau dop lo Anut ijanen ilo mujanek an nal pempem mi ka ikubiai panad ak i? ²Ago tia mok! Dugo, id Kristus da materj lo aupasek san dabai tiriŋani dop man, aupasek ka tigane yau oŋ ak i? Man tia ya. ³Dugo, oŋ en ilo ijaonj i? Id fidian Jesus Kristus yaŋan lo suguek tinjane yan, nek suguek an lo mi id iŋ da sisem tamat a. ⁴Fun amaiak niŋen o idsad suguek an lo id iŋ da materj san gib lo disiriad a. Amaiak lo nek ibol Kristus Taman san girager tuon lo yabisag imasa yak igo wonj, nek ago mi id dam kumaen foun amad da tator a.

⁵Man dugo, ijsan materj naon kisaek an lo id iŋ da tutumani tap, ijsan kumaen naok a foun iŋane yan lo id iŋ da tutumani mok a. ⁶Agod id en dam talonj a. Saen Kristus aigim fo iyuk an idsad bunud wagam an aigim fo da dutumanig dubali a. Dal an lo idsad tinid aupasek aman da yan ipitiniŋig, an lo aupasek san urat pinein tumado yau san tia ya. ⁷Man ata wo? Talpein enti imat la yan aupasek san dabai iŋ yabitanip yen yau san tia ya.

⁸Aria, id Kristus da tamat tap, id ilod lo rumok pe iŋ da sisem kumaen tumado wa. ⁹Man ata wo? Id talonj ak saen Kristus mutou lo imasa yan, fon imat san man tia ya. Materj fon iŋ tinin itirni san dam tia ya. ¹⁰Materj a ile yan niŋen o ŋabol da. Id fidian aupasek tigane na yan niŋen o materj an ile ya. An niŋen o iŋ imat kisaek o lian an lo aupasek san dabai igane itout a. An lo tamolpein fidian ibinawai o ago igane ya. Gug gamu iŋ kumaen imado da, agod Anut san ilobol lo mi iri wo ago imado da.

¹¹Nek ago mi, aŋsem niŋemi wo ilo sou igo agane wa. Aupasek fon aŋ ilom ta iŋane na wa, man dugo, aŋ nek ibol tamol imat la yak igo wonj a. Ak gug Anut niŋen o, aŋsem nek igo iliaŋ a, Jesus Kristus lo Anut san ilobol ari wo kumaen amado dak abol a. ¹²Amaiak niŋen o, aupasek abiani ilasa yau dop aŋanem tinim apirani wa. Ago tap, saen aŋ tinim imasa bo man, aŋ tinimi san ilobol awan abi san tia ya. ¹³Aŋanem ŋiem banim nek ibol kagin saiak digane dak san biouŋ igo wonj, aupasek igane wo ta apani na wa. Tia, aŋsem tamol mutou lo dumasag kumaen dumado dak igo wonj, aŋanem tinim fidian mi kagin uyan digane dak san biouŋ igo wonj, Anut apani wa. ¹⁴Aŋ kubiaen paen na ta amado na da, tia, aŋ ilo mujanek paen na amado da. An lo afon aupasek aŋsam titianek tamol ta imado na wa.

Id kagin itaot ak san urat bigabeg tilasa wa

¹⁵An ago tap, en dugo wak i? Rumok, id man kubiaen paen na ta tumado na da, ago gug Anut san ilo mujanek paen na tumado da.

Amaiak niŋen o dugo, id aupasek an nek ago mi ka tigane yau ak i? Man tia geig a! ¹⁶Ansem talpein ta tuon lo sem iŋilian pe aup bigabeg igo iŋsan awan ari tap, tamol e iŋsan awan alon den iŋsan bigabeg igo mok amado wa. Amaiak niŋen o, ansem aupasek tuon lo idiran au tap, an nuŋon man mater mi a. Aria, ansem iŋilian pe awa biek kagin san tuon lo au tap, an nuŋon man Anut malan lo itaot idiran a. ¹⁷Gug Anut ilo uyan tupani da. Man dugo, an wagam aupasek san bigabeg amado ya, gug gamu pitejanek a imug alon an bubem ŋutum fidian lo ananeg ari dugo paen na amado yau on a. ¹⁸Agod an aupasek lo Kristus iŋilian go kuai te idiran a. An lo an kagin itaot agane san bigabeg adi alasa ya.

¹⁹Ŋai ŋaisag ru lo, an ilom tia yak niŋen o tamol kagin ŋurig ŋabol da. An wagam ananem tinim san biabi anen anen, aupasek san bigabeg igo aganeg dilasa ya. Ago yan lo an kagin sisaik nun anda yak agane se ya. Nek ago mi gamu ananem tinim san biabi anen anen aganep, kagin itaot ak san urat bigabeg alasa dop gun amado wa. ²⁰Saen an aupasek san bigabeg ago ator se man, kagin itaot an an ibiatuanan san tia ya. ²¹Gug an melmel a niŋedi wo gamu miai ifunan dan nuŋon dugo anane yak i? Mel an san wadan man mater mi a. ²²Gug gamu Kristus an aupasek lo ipasan go Anut san bigabeg alasa ya. An san nuŋon man in an gun idiran alasa ya. Agod an san nuŋon man kumaen pempem yen san mi a. ²³Aupasek san ai wadan man mater mi a. Gug Anut san binawek kawan ipanad dan man id Jesus Kristus idsad Tubun ak da tutumanip, in lo kumaen pempem tumado wa.

Moses san kubiaen san ru faŋan

7 ¹O ŋai teig taog, kududom agure. Gamu an tamolpein a Moses san kubiaen alon an, ŋai ru en ŋurupaian dop alon a. An mel en ta alon na yak i? Talpein ta Moses san kubiaen paen na imado dan, kubiaen an isubani da, ak man saen in tan en lo imado den lo mi a. ²Pein iwon anda yak lo ilom isou, saen iwon tamol ak ta imat na dop man, in sisem kubiaen itumanaig dumado da. Gug tamol an imat dop, an lo kubiaen a pein isubanig iwon da dumado yan itufalak a. ³An lo, iwon tamol an malan kumaen imado dugo, tamol sen ak ta ida ditor tap man, in jeit pein ak ago dubol a. Gug iwon tamol an imat pasik dop, kubiaen a lo in imado yan itufalak a. Saen an lo tamol ta inane dop man, in jeit san pein tia ya.

⁴Amaiak lo an dugo wak i? Ŋai teig taog, Jesus Kristus tinin lo, an dam Moses san kubiaen paen na amado yan atufalak pe mel sen ta san muroun amado wa. Anut tamol ta mater lo ifufunig yabisa ya, an lo id Anut damon lo ai patun igo ilo rumok tamolpein foun ak igo won tidirai dilasap nuŋod ifu wa. Aria, id tamol an muroun mi tumado wa. ⁵Saen id tamolpein tan en san igo tumado yan, aupasek san subam saiak id tinid

ilon lo imado ya. Moses san kubiaen subam an igane ilasag dabai ipani a. Subam an id tinid san samun lulugad lo dabai igane da, an lo nuŋon a iganeg ilasa yan man materj san mel mi a. ⁶Ak gug gamu kubiaen an lo id isubanad san tia ya. Kubiaen a gubak mi isubanad na yan gamu ta ibiatuanad na da, man dugo, id tamol dumat la yak igo woŋ tumado da. Ata wo, id taloŋ ak tamol a imat la yan kubiaen kagin ipani san tia ya. Ago dop an lo id ru girek wagam ak paen na Anut san urat ta tigane na wa, tia, Awan Urgan san kumaen foun ak lo urat tigane wa.

Id aupasek da nug tabi tidiri da

⁷An niŋen o id dugo tabol a, Moses san kubiaen an aupasek ak i? Tia geig a! Kubiaen tia yak man, ŋai aupasek ta ŋaloŋ na wa. Kubiaen ago ibol, “Oŋ mala ta isi na wa.” Kubiaen ago ta ibol na tap, en dugo woŋ ŋai mala isek fun ŋaloŋ ak i? ⁸Alon ak, saen kubiaen tia yak man, aupasek an susanun igo dabai itaot pe kawan yen a. Ak dugo, aupasek malan kumaen imado tap, aupasek an kubiaen lo dal ileg, ŋai ilog lo mala isek san kagin wei mi ifufunaig dumasa da. ⁹Saen ŋai nanuk oŋ ŋator na man, ŋai kubiaen amag tia yak igo kumaeg ŋator a. Gug saen kubiaen ipalu yan lo man, aupasek an kumaen imasag, an lo ŋai ŋamat a. ¹⁰Kubiaen a ŋai kumaen ipanag ago ilog isou se yan, ŋai mel en kuai ŋupani ak, kubiaen nek an materj ipanag a. ¹¹Man dugo, aupasek iŋ kubiaen an lo dal ileg lo ŋai irawag a, ago dugo kubiaen nek an ŋai ifunag ŋamat a. ¹²An niŋen o Moses san kubiaen gun mok a. Agod an san piteŋanek funfun an dam gun, itaot, agod uyanan mok a.

¹³Rumok, kubiaen uyanan a. An niŋen o kubiaen uyanan an lo ŋaisag materj igane ilasa wak i? Tia geig a. Rumok, kubiaen man mel uyanan mi a, ak man aupasek iŋ mi kubiaen an lo materj ŋai tinig lo igane ilasa da. Amaiak lo ŋai ŋile ŋaloŋ ak aupasek man aupasek mi a. Agod kubiaen lo aupasek ŋai malag lo man saian di saian geig a.

Aupasek idsad madok itirni da

¹⁴Aria, id fidian taloŋ ak kubiaen man iŋ Anut san a. Gug ŋai man tinig tan en san mi a. An lo aupasek ŋai ilog tinig bigabeg igo woŋ idad a, agog aupasek san bigabeg igo ŋumado ŋator da. ¹⁵Ŋai dugo ŋigane duman, fun ta ŋaloŋ uyan na ya. Kagin aenta ŋai ŋamoi dan, gidad, an fidian ŋigane da. Ŋai aupasek san ager ŋumado bo man ŋai aupasek ŋigane yau oŋ da. ¹⁶Aria, mel a ŋamoi an ŋai ŋigane tap, ŋai ilog lo mel dugo uyan ak niŋen o ŋabol dan, agod mel dugo kubiaen ibol dan, an mel kisaek mi a. Amaiak niŋen o ŋai ŋaloŋ ak kubiaen man uyan a. ¹⁷An lo gug, ŋaiseg mi fon ta ŋigane na da, tia, aupasek ŋai bubeg lo amaiak isubanag go ilon dugo ibol an mi ŋuri da. ¹⁸Agod ŋai ŋaloŋ ak, ŋai ilog lo mel uyan ak ta yen man tia ya. (Nek ŋaisag tan en san tinig niŋen o

mi njabol da.) Njai mel uyan ak njigane wo ilog ibol dan njaisag ilo sou lo yen da, ago gug dugo wonj mel an njigane san dal njile man tia ya. ¹⁹Njai mel uyan ak njigane wo ilog ibol dan njai ta njigane na da. Tia, kagin saiak njigane wo ilog ta ibol na dan mi njigane yau da. ²⁰Amaiak ninen o njai mel njamoi ak njigane tap, njaiseg ilog nam ta njigane na da, tia, aupasek a ilog lo yen dan, njai ilog iduduwi dan lo, njai aupasek ago njigane yau dop na wa.

²¹An lo njai tinig ilon lo kubiaen en njile njalon da, saen njai mel uyan ak ta njigane wo ilog ibol dop, kagin saiak dam njai isaurag da. ²²Rumok, njai bubeg ilon lo man, Anut san kubiaen o ilog bulbal da. ²³Ak gug, njai kubiaen naon sen ak tinig ilon lo dabai igane dan njile njalon da. Kubiaen an inj njaisag ilobol san kubiaen da nug dufuni da. An lo dop aupasek san kubiaen e tinig ilon lo dabai igane den njai isubanag da. ²⁴O kabel, njai muruan sinek tamol mi a! Enti tinig materj san en lo njai patug ipasi wak i? ²⁵Jesus Kristus idsad Tubun ak lo njai Anut ilo uyan njupani da, man dugo, Anut injen njai patug ipasi wa. Aria, njai njaisag ilobol lo Anut san kubiaen ninen o dabai njigane da, ago gug njaiseg tinig lo man aupasek san kubiaen ninen o mi dabai njigane da.

Awan Urgun lo id kumaen tumado da

8 ¹Amaiak ninen o gamu tamolpein Jesus Kristus lo dumado den, Anut aupasek san naon muruan ta ipidinai na da. ²Man dugo, id tamolpein Jesus Kristus da tumado den kubiaen foun en paen na tumado da. Kubiaen en man kumaen san Ur igane ya. Aria, kubiaen en id aupasek materj da sad kubiaen lo isubanad an kuai fo idirad tilasa ya. ³Mel a Moses san kubiaen igane san ta idaisuda na yan, Anut injen mi igane ya. Man dugo, id tinid aupasek aman da yan lo kubiaen an dabai aman tia ya. Amaiak ninen o, Anut injanen Nanun idinig ipalu yan lo, tan en san aupasek a tinid lo yen an ipare idu ya. Fun an ninen o, injen tinin man nek ibol idsad tinid tan en san igo mi a, agod injen tinin nek ibol mel mudan ak Anut o dufuni imat pe an lo aupasek dusuas ak igo wonj ilasa ya. ⁴Anut ago igane yan lo kubiaen san pitejanek itaot an fidian id lo awan isag yen da. Man dugo, id tinid san ilobol lo ta tator na da, tia, Ur san ilobol lo mi tator da.

⁵En sauta injaned ilod ibol dak lo dumado dan, inj injaned tinidi san biouj o ilo sou digane da. Gug en sauta Ur san ilobol duri dan, Ur san biouj o mi ilo sou digane da. ⁶Talpein ta sen tinin o mi ilon isou dan, inj materj lo idu wa. Gug talpein ta Ur san ilo sou iri dan, inj kumaen ilo maror da injane wa. ⁷Man dugo, ta san kankan inj tinin o mi ilon isou dan man Anut o ager imado da. Agod kankan naok an sen yabi idup Anut san kubiaen paen na imado san man tia ya. Rumok, inj ago igane san man ta idaisuda na ya. ⁸Agod en sauta injen bunud wagam ak lo dutor dan Anut ilo uyan dupani san ta idaisuda na ya.

⁹Ak man Anut san Ur oŋ tini ilon lo imado mok tap, oŋane bunu wagam ak ta ititiano na da, tia, Ur mi ititiano da. Agod talpein ta iŋ Kristus san Ur aman tia tap, iŋ Kristus san tia ya. ¹⁰Ak gug, Kristus oŋ lo imado tap, gidad aupasek lo oŋ tini imat la bo man, oŋ itaot lasa yan lo oŋane ur kumaen imado da. ¹¹Agod enti iŋ Jesus mutou lo ifufunig imasa yan san Ur oŋ lo yen tap, iŋsan Ur oŋ lo imado dan lo oŋ tini materj san mi an dam iŋ kumaen ipani wa.

Urgun iganeg id Anut nanun muroun tilasa ya

¹²Amaiak niŋen o, ŋai teig taog, rumok, id gubun^b ad da ya. Gug id gubun an tukubune wo tap, id bunud wagam an san kagin ta tiri na wa. ¹³Man dugo, oŋ bunu wagam ak san kagin lo mado tap man, oŋ umat a. Ak man Ur san dabai lo oŋ bunu wagam ak san kagin funi imat tap, oŋ kumaen mado wa. ¹⁴Man ata wo, tamolpein ensauta Anut san Ur ititianai dan, iŋ Anut nanun muroun mok a. ¹⁵Ur e oŋ ŋane yen man oŋ bigabeg igo lasa san ur tia ya. An lo oŋ rurek ta ipano dop usuk umul na wa. Tia, oŋ Anut nanun lasa san Ur ŋane ya. Agod Ur oŋ ilo iduduwi dugo igo ubol da, “O Bai, ŋaineg Bai.” ¹⁶Amaiak lo Anut san Ur iŋsen mi idsad ur da ibateg, ru an awad kisaek lo id Anut nanun muroun tabol da. ¹⁷Aria, id Anut nanun muroun tumado tap, filian tiŋane san tamolpein tumado wa. Awo, id Kristus da madai tisini tap, id iŋ da Anut san filian tiŋane wa. Man dugo, id Kristus da madai tisini dan lo Anut mi id Kristus da girager ipanad a.

Anut nanun muroun iŋanen girager murnai san diŋane wa

¹⁸ŋaisag ilo sou lo, ŋai girager a murnap Anut igane kuai te ilasa panad an, iŋ saen en san madai tisini dan da, ŋutumanaip ŋukubianai tap, madai tisini dan mel kabelan igo woŋ a. ¹⁹Man dugo, melmel fidian Anut igane yan Anut iŋsan nanun muroun kuai te idiraip dilasa dop dile wo malad diganeg diyep di dumado da. ²⁰Anut melmel fidian idirai an iŋsad tureŋ lo dal e nuŋon tia yen mi duri wo ipidinai a. An man iŋsad ilobol san mel tia ya. Tia, Anut iŋsen ilon ibol ak igo ya, iŋsad tureŋ man nuŋon tia yak ilasa wa. An lo ago igane ilasa ya. Ak gug kulob a igane yan mala nouk lo mi iŋ ago igane ya. ²¹Ata wo, Anut san ilo girek lo, melmel fidian igane yan digan o isubanaig dumado da. Ak gug saen isuda wan lo dop, iŋsen mi subanek an igane itout dop melmel fidian an patun fo idiraip foun dilasa wa, agod iŋanen nanun muroun sad tureŋ girager aman da diŋane wa.

²²Id taloŋ ak, saen gubak mi Anut melmel fidian idirai man yaes isofutanaig madai amad da ya. Nek ibol pein nanuk igansi wo dop madai ile

^b Pani

dak igo wonj ipalug gamu da mi a. ²³Gug melmel fidian en mi tia ya, tia, id dam Awan Urgun san urat nujon malan te ya. Id dam an lo madai tile dugo tumado da. An lo Anut inſen id ijanen nanun muroun idirad tilasa wo mala nouk tumado da. Saen an lo dop Anut idsad tinid en ibilisap naon sen geig tilasa wa. ²⁴Man dugo, Anut id patud ipasi san fun man, id mel a niſen o ilod yen dan mi lo ago tumado yau a. Id mel a niſen o ilod yen dan tile yak tap, ata wo mel an niſen o ilod isou dak i? Dugo, talpein ta mel a ile la yan niſen o ka ilon yen ak i? Man tia geig a. ²⁵Gug id mel a ta tile na dan niſen o ilod yen dop man, sed isatuanad pe, id mel an niſen o mala nouk tumado wa.

²⁶Nek ago mi, id dabai amad tia yan niſen o, Awan Urgun ibinawad da. Id dugo wonj Anut o tugudani san ta talon uyan na ya, an lo id gudaneſan san dal tabiriſani da. Gug Awan Urgun inſen mi id bubed ilon lo moſiai dabai ak amad da yan waged lo Anut iſumiani da. ²⁷Enti in tamolpein bubedi lo aban ile dan in Awan Urgun san ilo girek dam ilon a. Ata wo, Awan Urgun dam ijanen tamolpein gun ak niſedi wo Anut iſumiani da, man dugo, in ago igane dan lo Anut san ilobol anua da.

Murnap id Anut Nanun igo tilasa wa

²⁸Id talon ak, tamolpein ensauta a Anut niſen o dumat dan, ensauta a Anut yaſad ipateg, igiaig inſan ilo girek san dal duri wo dan niſedi wo gidad, mel dugo ilasa bo man, urat igane pidinai uyanan da. ²⁹Id gamugo tilasa dugo Anut gubak mi id ilon go ipilianad a, an lo id bunud nek ibol inſan Nanun san bunun igo mi tilasa wa. Ago dop an lo in tein muroun wei mi lulunad lo ijaned teid matu ak igo imado wa. ³⁰Amaiak niſen o talpein ensauta a Anut ipilianai an yaſad ipateg igiai da. An lo ensauta a yaſad ipateg igiai an dam in itaot idirai da. An lo ensauta a itaot idirai an dam in ijanen bunun girager aman da yan ipidinai a.

³¹Amaiak niſen o id mel an niſen o dugo tabol ak i? Anut id turad igo imado tap, enti id iliaſan saian ak i? ³²Anut ijanen Nanun ta ipirani na ya, tia, id fidian niſed o ibiseig imat a. An niſen o ijanen Nanun lo binawek kawan ak igo wonj melmel fidian dien dan id ipanad an rumok ak i? ³³Enti Anut naon na itur pe, ensauta a Anut ipilianai an niſedi wo, inſad muruan isini ipalup ibol ilasa wak i? Talpein ta ago igane san tia ya, man dugo, Anut inſen mi ensauta ijanen an itaot idirai la ya. ³⁴Enti imiſilanad ak i? Jeſus Kristus imat paſik a, in mutou lo imasag Anut tuon won ak ate itur go id niſed o igudani da. An lo id imiſilanad ak i? Tia geig a! ³⁵Enti Kristus ijanen ilo panek lo ibiatad ak i? Ata mel Kristus san ilo panek an lo ka ipasad ak i? Muruan boi, tia, ilo madai lo boi, kudi dak lo boi, kadag^c lo boi, nujon kawan imado dak lo boi, saian ſumeik ipani dan lo agod ſabiri lo boi i? Tia ya. ³⁶Girek igo yen da,

^c Futol

“Onje niŋe wo nal fidian dufunamag go mamat da.

Maŋ bilelek dufu dumat o dufutanai ak igo woŋ diliama da.”

³⁷Tia, iŋsen lo iŋanen ilon id ipanad a, an lo melmel en fidian lo id nek ibol enti yu lo isiŋani ak san tamol igo woŋ tilasag malan te agod malan te geig a. ³⁸Amaiak niŋen o ilog lo rumok a, materŋ tia, kumaed tumado dan tia, eŋel adi tia, ur dabai amad da yak tia, mel gamu ilasa den tia, mel murnap ilasa dan tia, ur saiadi ak tia, ³⁹mel lak na yak tia, mel tan ilon lo geig ak tia, melmel fidian a Anut idirai an lulunad lo mel ta dam tia, amaiak lo, Anut san ilo panek Jesus Kristus idsad Tubun ak lo, ipanad dan ibiatad san tia ya.

Anut kiŋ igo woŋ sen ilon nam pilianek igane da

9 ¹Aria, Kristus malan lo ŋai ru rumok ŋabol da, ŋai ta ŋiraek na da. Agod Awan Urgun lo ŋaineg kankan dam ŋai ibalsiŋanag go ŋaloŋ ak, ŋai ru e ŋurupaiaŋ den rumok a. ²⁻³Ŋai ilo muruan tubun mi ifunag da, agod madai tubun mi ilog lo yen dan itout san tia ya. Man dugo, ŋai teig muroug Isrel adi, ŋaisag dar kisaek an iŋ Kristus patud dupani a, agod iŋ Anut Kristus iganeg ipalu yan ilod lo ta rumok na ya. An niŋen iŋ niŋedi wo Anut ŋai Kristus siŋire na yabianag pe daon ipanag a, ago dop an lo ibinawaip ilod lo rumok tap, Anut ŋai lo ka ago igane wa. Ŋai ilog nek ago ibol da. ⁴Iŋ Isrel tamolpein, fun an niŋen bar tutubun ak wei mi man iŋsadi a. Iŋ Anut iŋsan nanuk ŋilajaŋ igo iŋal a, agod iŋsan girager ipidinai a. Kontrak fidian an iŋsadi a, agod Anut Moses kubiaerŋ ipani an dam iŋsadi a. Iŋ Anut ubou an dile san dal duloŋ ak, agod Anut san promis an fidian iŋsadi a. ⁵Iŋsad dar igileg lo tamol yaŋad tutubun ak dilasa ya, agod Kristus dam iŋsad dar igileg ipalu yan lo ilasa ya. (An rumok, iŋ tinin tan emaiak san niŋen ŋabol da.) Ak man Kristus san mel taidam igo ya, iŋsen Anut. Ago yak niŋen o iŋ mel fidian fufo na ya, an lo tamolpein iŋ pempem yaŋan lak na diabisa isuda yau da. Rumok.

⁶Ak dugo, Anut iŋ Abraham ru a irupe i an nuŋon ta ilasa na yak i? Tia ya, man dugo, Anut Isrel niŋedi wo ilo sou igane dan id tamol ilo sou tiganed ago tia ya. An fun igo ya, tamol ta iŋ Isrel gugoi lo ipalu tap, an dugo, an iŋ Anut malan lo Isrel tamol mok i? Tia ya. ⁷Ago dugo tamolpein an igo dubol, “Maŋ Abraham nanun muroun mok a,” dugo, an fidian Anut malan lo Abraham nanun muroun dumado di? Tia ya. Aloŋ, Anut san buk lo ru igo tusuti da, Anut Abraham irupeig ibol, “Aisak nanun muroun amaiak tamolpein dil pe onsa nanu murou ago dubol a.” ⁸Anut ru mianuk a ibol irupe i an fun igo ya. Anut nanun muroun mok man Abraham san dar lo ta dilasa na ya, tia, Anut san nanun muroun mok man, nanuk a ru promis iŋ Abraham irupe i an iri panim dilasa dak ama ya. ⁹Man dugo, iŋsan nanun niŋen o Anut Abraham promis ipani man igo ya, “Anaŋar naod na yan te dop ŋai ŋamul onsa na ŋupalu wa, ante gup Sara nanuk igansi wa.”

¹⁰Agod an mi tia ya, tia, Esau in Jakob da sad am ipiterjanad ak Anut san pilianek mel tubun mok a, ak man tamol sad ilo girek man mel kawan ak on a. Aria, saen man tubuma Aisak iwon Rebeka da dien an Rebeka nanuk babagaru idirsi a. ¹¹⁻¹²Nanuk babagaru an dilasag inaned kagin naok naok gamugo dile dugo Anut Rebeka irupeig ibol, “Nanuk matu ak san dar dilasa dan mitep nanuk bakan ak san dar dilasa dan paed na dumado wa.” Anut ago igane yan lo inanen ilo sou nunon igane ilasa ya. An Anut sen pilianek igane ya, an tamol insad naok naok lo tia ya. Man dugo, insen mi tamolpein a insan wagin dulong an, amaiak ipilianai o ilon ibol a. ¹³Fun an nigen Anut profet awan lo ago ibol, “Inai Jakob ilog ipani do Esau man namoi geig a.”

¹⁴Aria, id an nigen dugo ilod isou wak i? Dugo, Anut sen ilon nam tamolpein ipilianai dan igane saian di? Tia geig a. ¹⁵Man dugo, Anut Moses igo irupeig ibol,

“Inai seg ilog nam talpein ilog nupani wak,
agod nai seg ilog nam talpein ilog imunani wa.”

¹⁶An nigen gamu id mel en lo na Anut san dal talon a. Ak talpein ta ilon ago ibol, “Inai seg ipilianag ak Anut iniliag pe inanen urat ngigane wa.” Anut in pilianek ago ta igane na da. Tia, talpein ta ilon ibol, “Inai Anut san a, man dugo, nai urat wagai ngigane da.” In dam Anut ta ipiliani na ya. Ak man Anut in talpein ipiliani da, an insinan ilo munanek lo mi ago igane da. ¹⁷Agod Anut insen ilon ibol ak fom tamol ipitininai an ipilianai da. An id talon a, man dugo, Anut ru girek lo na Igipta sad kin Farou nigen igo ibol, “On bube sakar go silei gane an nigen nai on nipilianog kin lasa ya. Inai ago nginio yan lo on naisag ager mado wa. An san fun igo ya, nai on muruan nupano dop lo tamolpein malad ipalup naisag tuog dabai tubun an dile wa. Ago dop naisag yanag an tamolpein e sumeik dumado den, agod a asau mi dumado dan dinjen ila isop yau a.” ¹⁸An nigen o id talon ak, Anut insen ilon nam tamolpein aenta insan ilo munanek ikubiai dile wak, agod tamolpein aenta bube sakar ipidinai dop silei digane da.

¹⁹Gug on dap igo rupaiag ak boi, “Enti Anut insen ilon ibol ak iri panim mel dugon igane wo dan yabiani san idaisuda yak i? Ago tap, ata wo in ru lo id isiad di?” ²⁰Aria, naisag ru naon igo nurupaio. On enti, on Anut ru naon ka rupei ak i? On man Anut sen ininio ya. Dugo, on Anut rinanig lak na yak nigen o ka igo ubol, “Oi, on ata wo nai tamol naok igo yak giniag ak i?” On ru ago ka ubol rupei ak i? ²¹Ulon uyan, saen talpein ta katik^d lo bod urat igane tap, in insinanen manau lo mi mel idiri ilasa da. Katik malan kisaek itumani an lo, bod sensen idiri wa. Bod kisaek san leil lo man girager uyanan mok a. Ago dugo bod neinta man nek ibol bod

^d Foi

gidad on a. An ningen dugo, bod an imasap ibol, “Oi, on ago giniag umoi,” ago ka ibol ak i?

²² Saen tamol bod idiri dop, aenta a saiadi man imoip yabi yau a. Ago dop aenta uyadi an mi kagin ipidinai a. Ilo sou an man mitilaen Anut Isrel tamolpein lo ago igane da. Saen milaen mok Anut Isrel tamolpein ilod ibileksa wo malan igane ya, ak man inſan ilo muſanek san nuſon tia ya. An ningen o gamu in ipitiſinai o ilo sou igane da. In Isrel tamolpein niſedi wo tiſae saian an tamolpein aenta ikubiai dile wak, agop inſan tuon dabai an kuai tem ikubiai dile wa. ²³⁻²⁴ Ak man bod aenta in Anut san ilo muſanek an dukubiani wak, agod in mel uyanan Anut ipidinai an duloſ uyan a. Bod naok an man id tamolpein a Anut sen igiad ama ya, agod wagam mi inanen girager uyanan amaiak tiſane wo ipilianad a. Aenta Juda dugo aenta Juda tia ya. ²⁵ Nek ibol Anut profet Hosea san ru girek lo na ago ibol,

“Tamolpein a gubak mi ‘ſaisag tia yak’ ſabol na yan, gamu ‘ſaisag tamolpein’ ago ſurupidai a,
agod tamolpein gubak mi niſedi wo ta ſamat na yan, gamu ‘aſ
tamolpein niſemi wo ſamat dak’ ago ſurupidai a.”

²⁶ Agod fon ru girek lo,

“Anut tamolpein ta igo irupidai ‘aſ ſaisag tamolpein tia ya,’
ago gug aben kiſaek nek atna mi fon irupidai
‘aſ Anut kumaen imado damaiak nanun muroun a’ in awan ago
duloſ a.

Mitep mel an ago ilasa wa.”

²⁷ Ak man profet Aisaia Isrel tamolpein niſedi wo iwagiſ go ibol,

“Gidad Isrel tamolpein igilep loſ na lul igo wei mi wak,
gug man Anut san pitiſinek saen lo wei an tia dumado yan mi
patud ipasi wa.

²⁸ Man dugo, Tubun en inſen ibol ago igane wa, in tan en san

tamolpein fidian ipitiſinai a,
agod in ririan, itaot mi atem ago igane wa.”

²⁹ Agod Aisaia fon saen murna ipalu dan ningen o igo ibol,

“Isop Tubun en did panu san yu gurman nanuk tata ibisawaip ta
dumado na yak man,
id fidian taun Sodom in Gomora da sad tamolpein igo mi wa.”

Isrel adi kubiaen lo itaot dilasa man tia ya

³⁰ Aria, an ningen dugo ilod isou wak i? Id taloſ ak gob adi in gidad Anut malan lo ikok dumado wo urat ta digane na ya, ago bo man in dal an dile ya. Man dugo, in ilod lo rumok an ningen o Anut in itaot iginai a.

³¹ Ak man Isrel tamolpein kubiaen diganuri wo urat wagai mok digane na ya. Man dugo, in ilod lo dal uyan man kubiaen lo mi yen dak ago dubol

a. Inj urat wagai digane bo man inj itaot ta dilasa na ya. ³²An ata wo ago i? Fun man inj Anut malan lo itaot dilasa san dal an ilo rumok san dal tia yak dubol. Tia, inj ilod lo urat wagai kubiaen diganuri dan lo, Anut injiliaip itaot dumado wak ago dubol. An ninjen o pat ta insad dal te yen an njed isueg diau dudu ya. ³³Aisaia san girek igo yen da,

“Ale, naj Saion lo pat njed isuep, diau dudu san njigansi wa.

Ak man talpein enti pat en ilon lo rumok dop man miai ta ifuni na wa.”

Isrel adi Anut san kagin ninjen o ta dulonj uyan na ya

10 ¹O naj teig taog, rumok njabol da, naj Anut Juda adi daonj ipidinai o man njamoi geig da. Agod saen naj Anut san na njugudani dan inj patud ipasi wo njusumiani da. ²Naj insad kagin njile uyan a, an lo inj ninjedi wo kuai te ago njabol ilasa da, inj Anut ninjen o man urat wagai digane na ya. Ak man melmel a digane yau dan, inj ata mel Anut ilon ibol dan ago mi ta digane na da. Man dugo, insad dulonj anen man katuk aman a. ³Inj Anut san buben itaot ak id ilod lo igane yan ta dulonj na ya. Injsiganed dulonj san mi duri wo ilod yen da, amaiak lo insed mi itaot dilasa wo dabai digane se ya. Ago gug inj Anut san buben itaot ak ipidinai o dumoi na ya. ⁴Moses san kubiaen fidian san wadan futanek man Kristus mi a, an inj ta dulonj na ya. Man dugo, talpein enti Anut o ilon lo rumok, an mi inj Anut malan lo itaot ilasa wa.

⁵Kubiaen a tamol ilon lo kagin itaot ak igane ilasa dan ninjen o Moses ago ibol, “Talpein kubiaen an iri dop inj kumaen imado wa.” ⁶Gug ilo rumok a kagin itaot id ilod lo igane ilasa dan ninjen o girek ago ibol, “Onj bube lo igo ta ubol na wa. Enti did panu lo yau ak i?” (an lo inj Kristus tan na igane idu wa), ⁷“tia, enti gib fun tia yak lo idu wak i?” (an lo tamolpein dumat ak sad na Kristus injanep kuai te sisem dilasa wa). ⁸Gug girek an dugo ibol i? “Ru en onj sinjire na yen da, nek onj awa lo, bube lo dam mi a.” Ru nek an onj ilo lo rumok san amaiak mi manj mufulale da. ⁹Ru en igo ya. Jesus inj Tubun a, isop onjse malak malak lo ago ubol ilasa dop, Anut Jesus matej lo ifufunig fon imasa yan ilo lo rumok tap, onj patu ipasi wa. ¹⁰Man dugo, onj bube lo inj ninjen o ilo lo rumok, ago dop Anut malan lo onj tamol itaot ago iginio wa. Agod onj awa lo Jesus inj Tubun ak malak malak ubol ilasa wa, an lo inj onj patu ipasi a. ¹¹Ru girek ago ibol, “Ta inj ninjen o ilon lo rumok dop miai ta dupani na wa.” ¹²Juda adi Juda tia yak da lulujad lo biatitek tia ya. Tubun ak kisaek mi inj fidian sad Tubun a. An fidian mi inj duwaginj dan bar uyan ak wei mi ipidinai dan itout san tia ya. ¹³Man dugo, ru girek ago ibol, “Enti Tamol Tubun ak yanjan lo igudani dan, Anut patun ipasi wa.”

¹⁴Ago man, tamolpein a Tamol Tubun ak ta dulonj na dugo inj o ilod ta rumok na yan, en dugo wonj pe inj lo gudanek ka digane wak i? Ago

man, Tamol a niŋen o ru ta duloŋ na yan, en dugo woŋ pe iŋ o ka ilod rumok ak i? Ago man, talpein ta ipalug Kristus niŋen o ta irupidai na yak ago tap, en dugo woŋ pe iŋ Kristus niŋen o ru duloŋ ak i? ¹⁵Agod taida mi, talpein ta, aenta ta didinaig diau na yak ago tap, en dugo woŋ pe tamolpein an naod na Kristus san ru dufufale pidinai ak i? Nek ibol ru e digire en ibol ago, “Tamolpein a bilaluŋ uyan ak disini dupalu dan, iŋaned ŋjedi tureŋ diabi dan siŋaokan mok a.”

Isrel adi wei mi bilaluŋ uyan ak duloŋ o dumoi a

¹⁶Gug Isrel aenta Kristus san bilaluŋ uyan an ta duri dupani na ya. Aisaia ago ibol, “O Tubun en, enti ru e murupeig ilon en ilon lo rumok ak i?” ¹⁷An lo ilo rumok man, Anut san ru a talon amaiak lo ilasa da. Agod ru a talon dan tamolpein Kristus niŋen o dubol dan awad lo ilasa da. ¹⁸Gug ŋai ago ŋabol a. Dugog iŋ ta duloŋ na i? Man tia ya. Ru e girek lo yen,

“Iŋaned ru dubol dan, aben fidian lo yau a.

Iŋaned ru an tan yaug titin itout ak lo ilasa ya.”

¹⁹Ŋai afon ago ŋusumianaŋ, dugo, Isrel tamolpein ta duloŋ uyan na i? Man tia ya. Man dugo, malan malan Moses Anut san awak aban igo ibol,

“Ŋai aŋ ŋdiraŋ pe tamolpein a dar ta kisaek nag tan gidigidad lo dumado dan eil saiadi dop niŋedi wo turak asusa wa.

Ŋai warou kisaek san tamolpein kankan tia yak niŋedi wo aŋ tiŋae saiak ŋupanaŋ a.”

²⁰Agog tinin te Aisaia igo ibol san niŋen o ta irer na ya,

“Tamolpein a ŋai abanaŋ ta diabi na yak man diliag a.

A ŋai niŋeg o ta dusumiaaŋ na yan naod na ŋaiseg kuai te ibilag ŋilasa ya.”

²¹Ak man iŋ Isrel tamolpein niŋedi wo ago ibol,

“Ŋai nal fidian ŋumasa ŋatur go banig ŋuwateg iŋ ŋuyunaŋai wo malag ŋigane da.

Gug tamolpein an silei tinadi a, ŋai awag ta diabi na ya. Ad milaen ŋatur dugo, ru kagin a ŋurupidai se yan niŋen o pirginek ru dupanag na ya.”

Isrel adi luluŋad lo warou kitekan mi iŋsan binawek diŋane ya

11 ¹Aria, en dugo, Anut iŋanen tamolpein yabianai geig di? Tia ya. Ŋai dam Isrel tamol a, ak man iŋ ŋai ta yabianag na ya. Ŋai Abraham san dar lo ŋilasa ya, agod ŋai Benjamin san gugoi lo ŋumado da. ²Anut iŋanen tamolpein iŋ gamugo dilasa dugo ipilianai la yan yabianai san tia ya. Ru girek e Elaija niŋen o ibol den ta alon na yak i? Iŋ Anut Isrel yabianai san niŋedi wo dugo woŋ imosiai dan aŋ ta alon na yak i? ³“O Tubun en, oŋane profet adi dufu dumat a, oŋane alta fidian

durube idu ya. Gamu n̄aiseg mi n̄umado da, ago yan lo n̄ai dam dufunag n̄amat o digane dugo dutor da.” ⁴ Ak man Anut ru naon dugo woŋ irupeig ibol ak i? “Tamol seven tausen dumado da, iŋ tubud sewak a Baal dubol dan naon na ditakoksi man tia ya. Tamol an n̄ai n̄aŋal go n̄aineg ak dumado da.” ⁵ Gamu nek ago mi gugoi wadan tusan a Anut iŋsan ilo muŋanek lo ipilianai an gamu dumado da. ⁶ Anut iŋanen ilo muŋanek lo san pilianek igane ilasag yen da, kubiaen turi tupani san urat lo igane ilasa man tia ya. Gug an tia tap, iŋsan ilo muŋanek an nuŋon tia wa.

⁷ An ninen dugo? Isrel tamolpein mel a wagai diganeg dile yan ta diŋane na ya. Gug tamolpein a Anut ipilianai an mi mel an diŋane ya. Gug wadan a dumado yan fidian iŋaned bubed pat igo sakar kasik ilasa ya. ⁸ Nek ago mi ru girek lo ibol,

“Anut iŋ diŋaon san ur ipidinai a.

Iŋ malad ipidinai bo man mel ta dile san tia ya.

Iŋ kududod ipidinai bo man duloŋ san an dam tia ya.

Iŋ ago digane ipalug gamu dam nek ago mi digane da.”

⁹ Agod Dawid ibol,

“O Anut, oŋ iŋ niŋedi wo igo gane wa.

Iŋsad kubiaen san soubul an ibol dob igo woŋ,

agod ibol suwanok igo woŋ oŋ gane ilasa wa.

An nek ibol mel ta n̄ied isubanip diau dudu san igo woŋ gane ilasa,

agod nek ibol naon muruan tubun ak dile igo woŋ, ago gane wa.

¹⁰ Malad tidom tubun yafutanip iŋ abaŋ ta dile na wa.

Saen fidian iŋ uyud tuon iluwi dop dutor a.

Oŋ muruan naok an ago pidinai a.”

Anut Juda tia yak iŋal imul a

¹¹ Dugo, iŋ n̄ied dusueg diau dudu yan fon dumasa san tia i? Man tia geig a. Tia, iŋ aupasek digane yan lo Anut gob adi patud ipasi san dal igane ilasa ya. Anut gob adi lo ago igane yan Isrel tamolpein tiŋae fufaik ipidinai a. ¹² Amaiak ninen o, iŋsad aupasek an man tan en san tamolpein sad filian, agod iŋsad kagin naok an man gob adi sad bar uyanan a. An ago tap, en dugo, saen iŋ Anut san ar lo diladu san an man uyanan geig a.

¹³ Aria, gamu n̄ai aŋ tamolpein Juda tia yan n̄urupaiaŋ da. Anut n̄ai aposel ipilianag a, agog idinag go aŋ gob adi sam na n̄upalu ya. An ninen o saen n̄ai ru n̄ufulale dan, n̄aisag urat san nuŋon ilasa yan ninen o n̄abol ilasa ya. ¹⁴ N̄ai ago n̄igane dop lo n̄aisag dar kisaek san tamolpein adi tiŋae fufaik digane wa. Dal an lo dop nap aenta patud n̄upasi wa. ¹⁵ Juda adi, Anut yabianai ak san nuŋon man Anut tan en san tamolpein sad turad ilasa ya. An ago tap, saen Anut Juda adi niŋedi wo ilon ipidinai da wa, en dugo? An san fun igo ya, tamolpein maten lo fon dumasap kumaen dutor

a. ¹⁶Aria, anaj malan malan an gun dop man anaj wadan yen dan fidian gun a. Nek ago mi, ai dabin an gun dop man, ai raen an fidian dam gun a.

¹⁷Ai a panu san an man ru mitilaen Isrel tamolpein lo yau a, ago dugo oliv ai garaŋ san an man aŋ tamolpein Isrel tia amaiak san ru mitilaen igo ya. Anut igo igane ya. Inj ai oliv panu san an raed aenta ituteg yabi yau a. Ago dugo yaug garaŋ san ai oliv didilad ituteg igane ipalug oliv panu san raed itute yau amaiak abed lo ibate idu ya. Agog an lo ai panu san an san toub bulbal uyan ak ai garaŋ san raed an diŋane dugo disa uyanan a. ¹⁸Ak man aŋ tamolpein Juda tia yan Anut ai raen a itute yau an niŋen o sem yaŋam ta abisa na wa. Aŋ ai raen aŋsem niŋemi wo ru tutubun mi abol tap en ilom isou. Aŋ ai dabin ta asini na da, tia, ai dabin an aŋ isinaŋ da. ¹⁹Ago man oŋ ta ŋai igo rupaiaŋ, “Anut ai raen aenta itute diau dop ŋai abed na isatuanag a.” ²⁰Awo, an rumok a. Gug inj ilod lo ta rumok na yan niŋen o ai raen an isalsuni a. Agod aŋ ilom lo rumok an lo mi dabai am da atur da. Fun an niŋen o aŋ sesunoi kagin ta agane na wa, tia, Anut niŋen o arer dop amado wa. ²¹Man dugo, Anut inj ai oliv panu san an raen isalsuni san ta geg igane na tap, nek ago mi aŋ garaŋ san ai raen inj o ilom lo ta rumok na dop man, inj aŋ dam isalsunaŋ a.

²²Amaiak lo aŋ Anut san ilo muŋanek, ilo wananan da ilom isou. Tamolpein a diau dudu yan Anut san ilo wananan dukubiani a, ak man aŋ man iŋsan ilo panek an mi akubiani wa. Aŋ iŋsan ilo muŋanek san dal mi ari au a, ago ta agane na tap, aŋ dam ago itartitaŋ pe ibiaŋ au a. ²³Agod aenta ilod lo ta rumok na yak san dal lo pempem dumado san tia tap, inj fon iŋal pe iŋsinan raen fo isatuanai da wa. Man dugo, Anut fon ai raen an abek nam isatuanai san idaisida ya. ²⁴Ale. Ai oliv garaŋ san an raen iŋanep, ai oliv panu san raen aben na pasauman igane san man tia ya, ago bo man an da ka isatuani a. Mago tap, Anut pasauman mok inj ai oliv panu san raed an iŋsed abed nam isatuanai da wo igane wa.

Saen ipalu dan ate Anut Isrel adi fidian patud ipasi wa

²⁵O teig taog, ŋai ilog igo ya, aŋ Anut anen ilo girek mianuk yen en niŋen aŋaŋ san tia ya, kabelan aŋsem yaŋam asini banau. Aenta Isrel luluaŋ lo bubedi sakar ilasa ya. Ago mi dumado yaup murna gup gob adi a Anut ipilianai an fidian iŋsan ar lo diladu wa. ²⁶Ago dop nal an lo Anut Isrel adi fidian patud ipasi wa. Ru girek lo en igo ya,

“Patun pasek tamol panu tubun ak Saion lo ilasa wa.

Inj Anut patud dupani san kagin Jakob san dar ilod lo yen dan ipasi yau a.

²⁷Saen an lo ŋai iŋsad aupasek ŋusuas yau dop kontrak an ŋupidinai a.”

²⁸Anut inj Juda tamolpein niŋedi wo dal uraru en ilon isou da. Ru uyanan e mufulale den niŋen o, inj Anut o ager dumado da, ago mi inj

nijedi wo ilon isou da. Agod an lo iñsan bar uyanan añsam na ipalu ya. Gug Anut talpein ipilianai ak ninen o, iñ Juda adi ilon ipidinai da, ago mi iñ nijedi wo dam ilon isou da. Man ata wo? Iñ wagam mi mok tamadi nijedi wo imat a. ²⁹Man dugo, Anut san wagin agod iñsan lou kawan ipanad an ipasi san tia ya. ³⁰Wagam añ Anut awan aparsisali na ya, ago gug Juda adi sad awa parsisalek an nuñon gamu Anut iñanen ilo muñanek añ ipanañ da. ³¹Nek ago mi Juda adi dam awa parsisalek dumado dan ilasa ya. Agod gamu añ Anut san ilo muñanek añane yan ninen o iñ dam iñsan ilo muñanek diñane wa. ³²Man dugo, Anut iñ tamolpein fidian awa parsisalek kagin paen na dumado yan ago igane ilasa ya, ago dop an lo iñ tamolpein fidian ilo muñanek ka ipidinai a.

Pol Anut yañan yabisa da

³³ O rumok nuñon, Anut san filian, mañau, ilo safulalek an tubun geig a.

Iñanen bitinaek id abañan tilep talon san tia ya.

Agod iñsan kagin naok naok id tile talon san ta idaisuda na ya.

³⁴ “Enti Anut san ilo girek igane dan ilon i?”

Enti iñ mañau ka ipiteñani wak i?”

³⁵ “Dugo, enti imug mi mel ta Anut ipanip, an lo Anut iñsan gubun^e an ka ikubune wak i?”

³⁶ Man dugo, iñsan na dupalu dan, iñ tuon lo, iñsen ninen o dam mi mel en fidian dilasag dien da.

Iñ saen pempem mi girager aman da imado wa.

Rumok.

Onj Anut urat ipano wo tap banin lo se iginio wau

12 ¹Fun an ninen o ñai teig taog, Anut anen ilo muñanek tubun an ninen o ñai igo ñurupaian da. Añanem tinim kumaem anda yak añanep, lou panek igo won, Anut iñsan urat ipanañ san ninen banin lo sem idirañ a. Iñ malan lo kagin naok an gun a, agod kagin an iñ uyan ipani da. Man ata wo? Kagin nek an, añ iñanen biabi ñilajañ agane wo ago ilon yen da. Añ ago agane tap, iñsan ubou leil mok agane da. ²Agod añ tan en san tamolpein sad ilo sou man ta atutuñani na wa. Tia, ilom bubem awan apasip, Anut añ ilom ibilisa dop añanem ilo sou foun ak ka ilasa wa. Amaiak ninen o Anut dugo ilon ibol dan añ alon uyanan a. Anut san ilobol an mel uyanan a, an dam itaot geig, agod iñsan ilobol an añ ilo uyan ipanañ da.

³Aria, Anut san ilo muñanek ipanag an lo ñai añ fidian kisaek kisaek niñemi wo igo ñabol. Onse mel aenta uyan ak gane amaiak ninen o se

^e Pani

ta ibiosa na wa. Tia, oꝝane nouk nouk niŋen o ilo isou uyanan a. Man dugo, Anut ilo rumok an yabitig id ilo rumok adi anek anek iwae ipanad a, aenta tubun mi ipidinai a, aenta tubun an tia ipidinai a. Amaiak niŋen o oꝝse mi bitinaek lo gane wa, kabelan oꝝ kawan se ibiosa banau. ⁴Aloꝝ uyan. Idsad tinid kisaek gug, ilon lo man tinid boi wei mi dien da. Tinid boi an iꝝsad urat kisaek tia ya. Tia, iꝝsad urat naon sensen dien da. ⁵Nek ago mi, id ilo rumok adi man wei mi bo man Kristus tinin lo tutumanig tinik kisaek tilasa ya. Agod id kisaek kisaek idsad tinid man aenta sad tinid san boi tumado da. ⁶Anut iꝝsan ilo muꝝanek naon sensen ipanad a, amaiak niŋen o bar uyanan ak urat tigane san dam sensen ipanad da. Talpein aenta profet urat san dabai diꝝane ya, amaiak lo Anut ilo rumok ipidinai ak diri dan lo, iꝝsan ru dubol ilasa wa. ⁷Tamolpein aenta binawek uyanan digane san dabai diꝝane ya. An niŋen o tamolpein aenta dubinawai mok a. Aenta girek maꝝau urat digane wo igiai a. An lo man iꝝ girek maꝝau urat mi digane wa. ⁸Ta iꝝ ru kagin ibol ilasa san urat ipani tap, iꝝ nek ago mi igane wa. Ta iꝝ tamolpein aenta ibalsiꝝanai san dabai iꝝane tap, ilon kisaek mi urat an igane wa. Ta iꝝ urat ititiani san tap, maeg igane wa. Ta iꝝ ilo muꝝanek san iꝝane tap, iꝝ ilo uyan lo ago igane wa.

Aꝝ Kris adi aꝝanem tureꝝ kagin apani

⁹Aria, oꝝ tamolpein aenta binawaip ilo pidinai ak tap, nek ago mi ilo pidinai mok a. Kagin saiak saiak patu pani dop, kagin uyan ak mi gane wa. ¹⁰Aꝝsem nug teim taom igo woꝝ nug niŋen amat a. Aꝝsem nugnug lo teim taom yaꝝad asini san kagin niŋen o oꝝ maeg ganep tei riꝝani wa. ¹¹Urat lo dabai gane, yalis umoi. Oꝝane ilo lo Awan Urgun awan isag mado da, an lo oꝝ tini fidian ilalaꝝ anda yak ided oꝝ da. Tubun en san urat gane wo ilo pani wa. ¹²Oꝝane mala nouk mado dan lo utur dop you isa wa. Muruan lo dop utur sakar a. Pempem Anut gudani dop mado wa. ¹³Oꝝ tei tao aenta ilod lo rumok ak iꝝ mel ta o dumat tap, oꝝ aenta dida melmel lo ibinawai san atumanip apidinai a. Oꝝ talpein asau mi ipalu yak kagin pani uyan san dal mi urip, kaginan gane wa.

¹⁴Saen tamolpein dufunop muruan dupano wo dukudo tap, oꝝ Anut naon muruan ipidinai o ta sumiani na wa, tia, iꝝ bar uyan ak ipidinai o mi sumiani wa. ¹⁵Tamolpein ilod uyan tap, oꝝ dam iꝝ dadi sisem yousai agane wa. Agod tamolpein ilod saian pe tinaꝝ digane tap, oꝝ dam dadi sisem tinaꝝ gane wa. ¹⁶Aꝝ nugnug lo ilom kisaek mi amado wa. Aꝝsem yaꝝam lak na abisa amoi. Tia, aꝝ tamol kawan, yaꝝad tia yak dam turad mok amado wa. Aꝝsem maꝝau tutubu amam da yak ta abol na wa.

¹⁷Talpein muruan ipano tap, naon muruan pani umoi. Tia, oꝝ tamolpein sad leil lo kagin a uyanan mok ilo isou dan mi gane wa. ¹⁸Dal yen tap, oꝝ tamolpein fidian dadi ilo maror lo mi amado wa. Iꝝ oꝝ o ager dumado yau

tap, gidad mel an iñsad mi a. ¹⁹Turag muroug, saen tamolpein dibiñ adu tap, añ pani naon afuli wo ago ta agane na wa. Tia, Anut anen tiñae saiak an mi aben apani dop iñsen mi pani an naon ka ifuli wa. Man dugo, ru girek lo ago ibol, “Tubun ak igo ibol, talpein enti igane saian ak naon panek man, ñai mi a, ñaiseg mi iñsan pani an naon ñufuli wa.” ²⁰Ak gug,

“Oñsa ager an imatigen tap, anañ panip yani wa.

Iñ you o imat tap, you panip iluk a.

Kagin amaiak lo man nek ibol oñ yai midiger gumuran fo kulmaek igo won gane da.”^f

²¹Kagin saian an oñ ta ibio sakar na wa, tia, kagin uyan ak lo kagin saian an san dabai wabi idu wa.

Añ gabman gurman fidian paed na amado wa

13 ¹Añ fidian añañem gabman san gurman añ ditirnañ dan awad paen na amado wa. Man dugo, Anut mi iñ titianek tamolpein fidian idirai san fun mok a, agod gurman a id ditirnad dan man Anut sen ipilianai a. ²Amaiak lo, talpein iñ titianek tamol awad iparsisali tap, iñ tamolpein a Anut ipilianai an awad iparsisali da. Agod tamolpein fidian kagin a duri dan Anut iñsad muruan an naon ipidinai a. ³Gurman adi iñ tamolpein kagin uyan ak mi digane dan rurek ta dupidinai na wa. Tia, tamolpein a kagin saian ak digane dan mi rurek dupidinai a. Oñ tan gurman niñen o urer umoi ak i? Ago tap, kagin uyan ak mi gane dop, an lo tan gurman an oñ ilio uyan a. ⁴Man dugo, iñ man Anut san urat pinein, oñ mado uyan san kagin ipano da. Ak man oñ kagin saian ak gane tap, urut dop urer saian geig a. Kabelan iñ sabiri kawan yabi dak ago ilo isou banau. Iñ Anut san urat pinein, amaiak tuon lo talpein ta kagin saian ak igane dan, Anut san tiñae saiak ile wa. ⁵Fun an niñen o, oñane gurman adi awad paen na mado wa. Dal an lo Anut tiñaen saian san kagin riñani wa. Fun an niñen o mi tia, tia, oñane kankan uyan ak a ru kagin ipano dan niñen o awa parsisalek ta gane na wa.

⁶Nek fun an lo añ gabman san takis dam abal a. Man dugo, gabman san urat pinein adi man dam Anut san urat pinein mi a, agod iñ pempem tamolpein sad madok uyan dumado san kagin digane da. ⁷Amaiak niñen o añ añañem gubun^g naok ago yak fidian akubune wa. Saen gabman takis abal o ibol tap, ago agane wa. Takis naon sen ak abal o dubol tap, an dam abal a. Tamolpein awad ari apani wo dubol tap, añ nek ago agane wa. Tamolpein ditiñanañ dan yañad asini wo dubol tap, an dam nek ago mi agane wa.

Kristus san nal sumeik an niñen o aenta niñedi wo amat a

⁸Oñ talpein ta san gubun tini lo ta yen na wa, tia, nug niñen o amat san gubun mi tini lo yen a. Man dugo, talpein ta iñ turan ilon ipani dan,

^f Dal an lo oñ iñanen tiñae saiak wabi idug, ilon ibileksa dan pani da. ^g Pani

kagin an lo kubiaen an fidian ituanai idu da. ⁹Moses kubiaen igo ibol, “On jeit ta gane na wak, on tamol ta funip imat na wak, on aenta sad melmel ta ugam na wak, on tamolpein aenta sad melmel ninen o mala ta isi na wa,” agod kubiaen aenta dam ru girek en lo yen da. Gug kubiaen kisaek en kubiaen an fidian ituanai idu ya, nek “On se ilo ipano dak ago mi tura ilo pani wa.” ¹⁰Talpein ta in tamol ta ilon ipani dan, in lo kagin saian ak ta igane na da. Amaiak ninen o ilo panek san nunon man nek ibol kubiaen an fidian iganuri dak igo won a.

¹¹Agod taida mi an en alon ak, saen iparsikawad ak ninen o njon abiseip amasa wa. Man dugo, gamu en patud ipasi san id sumeik ipanad la ya. ¹²Tidom tubun ibisawad dugo ilalan sumeik ipanad a. Id tidom san kagin ta tigane na wa. An ninen o lilaman san yu mi tuburoup tawan tigane wa. ¹³An ad aman ator dak ago turen uyanan ator a. Ayu aluk pe aban daon ta agane na wa. Jeit lo, melmel saian ak lo bubem imasa san lo, wagai lo dabai agane san lo mi tia. ¹⁴Tia, an Jesus Kristus ananep kulos igo agane wa. Agod mel ta ananep ansinam tinim san ilobol afutip idaisuda wo ago ta agane na wa.

Onane tei san ilo rumok dabai tia yan ta pitiñini na wa

14 ¹Aria, saen talpein ta san ilo rumok dabai tia yan an sam tumanek lo ipalu tap, an ilo uyan lo mi anane. Ak man an insinan ilo sou an ninen in da nug ape wo agane man amoi a. ²ñai ago ñabol dan fun igo ya. Ilo rumok adi aenta mel an uyan dubol da, ago dugo aenta mel an saian dubol da. Talpein ta in ilon lo anan nuaen mudan nuaen an mel uyan ak ago ibol da. Ago dugo talpein san ilo rumok dabai tia yan, in Juda sad kubiaen ilon isou dan lo mudan yani san lo muruan ifuni da. Fun an ninen in pinapan mi yani wak ago ilon isou da. ³Talpein a mel mudan yani dan in talpein mel mudan ta yani na dan ninen o ta imisilani na wa. Nek ago mi talpein a mel mudan ta yani na dan in talpein mel mudan yani dan ta ile saian na wa. Man dugo, Anut talpein an inane la ya. ⁴On enti, go on talpein sen ak san urat pinein wabi idu wo gane di? Insen mi inanen tubun ak naon na itur boi, tia, yau idu boi. Gug en rumok geig a, in man itur mok a. Man dugo, inanen tamol tubun ak lo itur san dabai idaisida ya.

⁵Aria, talpein ta in nal aenta gun mok ak ago ilon isou da, ago yan lo in Juda sad nal gun an sad kubiaen iganuri san kagin ipani da. Gug talpein sen ak in nal an fidian naon kisaek ak ago ilon isou da. Tamol an insed anen anen atem kagin ago digane dan dibitinaep dile wa. ⁶Talpein ta in nal gun an san kubiaen iganuri dan, in Tubun ak yan yan yabisa wo ago igane da. Nek ago mi talpein a mudan fidian ka yani wo ibol dan, in dam Tubun ak yan yan yabisa wo ago igane da. Man dugo, in mudan a yani dan ninen o Anut ilo uyan ru irupe da. Ago dugo talpein a mudan

imoi dan, in dam Tubun ak yajan yabisa wo ilon isou da. Agod in dam Anut ilo uyan ru irupe da. ⁷Talpein ta in sen kisaek imado san tia ya. Agod in sen kisaek imat san tia ya. ⁸Tia, id kumaen tumado tap, Anut o kumaen tumado wa. Agod id tamat tap, Anut o dam tamat a. Amaiak nigen o, id kumaen tumado boi, tia tamat boi, id Anut san mi a.

⁹Fun nek amaiak nigen Kristus imat go fon kumaen imasa da ya. In ago igane yan lo in tamolpein dumat ak, agod tamolpein kumaen dumado dak dam sad Tubun ak imado da. ¹⁰On ata wo onane tei bitinaek lo gane dak i? Agod fon, on ata wo onane tei misilani dak i? Alon uyan, id fidian Anut anen bitinaek san kalik naon na tatur a. ¹¹Man dugo, ru igo yen da,

“In kumaeg numado dan rumok tap, naisag ru en nunon ilasa wa.

Tubun en igo ibol da. Tamolpein fidian in naog na ditakoksi wa.

Agod tamolpein an fidian Anut naon na inaned muruan dubol ilasa wa.”

¹²An lo id anek anek mel dugo tigane na yan fidian Anut naon na walal te tidiri ilasa wa.

Onane kagin lo tei Kris ak aupasek lo yau idu wo ta gane na wa

¹³An nigen id fon nug ta tibitinae na wa. Tia, id igo ilod isou wa, tuparsisi san mel ta teid san dal te ta tigane na wa, agod suwanok dam teid san dal te ta tigane na wa. ¹⁴Rumok ak, Anut malan lo anan mudan an fidian ikok mok a. An in galon uyan a, agod in Jesus Kristus lo numado da, an lo in in ateg isueg naisag ilo sou an itaot a. Ak man talpein anan ta boi, mudan ta boi in yani san an ta ikok na yak ago ilon isou tap, aria in nigen o mi mel an ta mok ikok na ya. ¹⁵On onane tei mel ta wani dan nigen o ilon muruan tap, an nigen o on ilo panek san dal uri san tia ya. Mel a ta wani na wan umoi tap, an uyanan a. Kabelan tamol a in nigen o Kristus imat an, on mel dugo wani dan lo, on tamol an daon pani banau. ¹⁶On mel uyan ak ta wo ilo lo rumok a, gug tamolpein aenta mel an nigen o ru saiak dubol tap, an lo on ilo sou saian ak gane ilasa man umoi a. ¹⁷Man dugo, saen Anut in sen mi idsad Tubun ak imado man, tani taluk san nigen o mi tia ya. Tia, id Urgan lo kagin itaot, ilo maror, uyasusai amad da tator a. Kagin nek an mi malan te ya. ¹⁸Fun an nigen tamol enti kagin naok an lo Kristus san urat igane dan Anut ilo uyan ipani a. Agod tamolpein sad leil lo tamol an uyanan a.

¹⁹Amaiak nigen o, id maror san kagin tigane ilasap, agod id nug dabai tupanip, kagin an mi turip tator a. ²⁰On anan nigen o mi, Anut san urat an, ilo rumok adi ilod lo yan ta pitinini na wa. Rumok, melmel fidian tani san a Anut malan lo yan ikok mok a, id an ka tani wa. Ak gug on mel ta wani dop lo tamol sen ak aupasek lo yau idu tap, on au upas da. ²¹Ago yak nigen o, on mudan wani ak lo boi, tia, you sakar uluk ak lo boi, tia,

mel dugo gane dak lo boi, kabelan onjane tei aupasek lo ganep yau idu banau. Tia, onj kagin ago ta gane na tap, kagin naok an mi uyanan a.

²²Onj melmel dugon ilo lo rumok an mi onj Anut da lulunam lo yen da. Talpein ta san ilo rumok an man onjsa mel tia ya. Saen talpein injanen kagin naok uyanan a ilo lo rumok an bitinaek lo igane dop, mel ta saian ak ta ile na tap, inj ilon uyanan mok a. ²³Ago gug, talpein ilon uraru dugo yani tap, Anut san bitinaek lo yau idu wa. Man dugo, injanen kagin an ilo rumok lo ilasa man tia ya. Mel ta injanen ilo rumok an lo ta ilasa na dan, nek an mi aupasek mok a.

Kristus ilon ipanaj ak igo mi anj dam nug ilon apani wa

15 ¹Id a ilod lo rumok dabai an, id tamolpein a sad ilo rumok dabai tia yan tibinawaip sad muruan dida tisini wa. Idsed nijed o mi tamat dop aenta tabianai man kagin uyan tia ya. ²Id anen anen atem turad muroud ilo uyan tupidinai a, ago dop inj dal uyan ak lo mi dutor a. An lo injsad ilo rumok an dabai anda ilasa wa. ³Agod Kristus injsinanen ilo ibol an ta iri na da. Tia, inj muruan dam isini da. Ru girek lo na igo ibol, “O Anut, tamolpein a dupaio saian an injsad tinaj saiak an naj inisini a.” ⁴Ru fidian a nal gubak mi Anut san tamolpein digire yan, an id ipitejanad san nijen digire ya. Id muruan lo tatur sakar dan lo, agod ru girek san dabai panek ru lo, id mel a nijen o mala nouk tumado dan nunjon ago ilasa wa.

⁵Injai an nijemi wo Anut igo nugudani a. Anut inj dabai panek ru san fun, agod inj muruan lo tatur sakar san fun, inj ka ibinawanj pe anjem nugnug lo ilom kisaek mi amado wa. Anj Jesus Kristus atutujanani dan lo kagin amaiak mi ago agane yau a. ⁶Dal an lo saen anj Anut ubou an ale dan, anj fidian awam kisaek mi Anut, Jesus Kristus idsad Tubun en Taman, amaiak yanan abisa da.

⁷Fun amaiak nijen o anj nug nijen amat mok a, nek ibol Kristus sen an injilianj uyanan ak igo wonj a. Ago dop anj ago agane dan lo Anut yanan abisa wa. ⁸Injai ago jurupaianj dan san fun igo ya. Kristus inj Juda adi sad urat pinein onj ilasa ya, an lo Anut ikubiai tile yak injsan ru an ru rumok a. Ago dop ru a Anut Juda sad tubud bagedi ibol ipidinai an nunjon kuai isi wa. ⁹Inj ago igane yan lo Anut san ilo munanek an tamolpein Juda tia yak ipidinai, an lo inj dam Anut yanan diabisa wa. Nek a girek lo ibol ago,

“Fun an nijen naj onj gob adi lulunad lo yanja nabisap lak na isida yau a.”

¹⁰Agod ru girek en fon ago ibol,

“O anj Juda tia yan, anj Anut san tamolpein dadi yousai agane.”

¹¹Agod fon,

“O anj Juda tia yan fidian, Tubun en yanan abisa, anj tan titin an fidian san tamolpein bar abi dop per apani.”

¹²Agod fon, Aisaia ago ibol,

“Tamol Jesi dubol dan dabin lo didilan ta isa wa,
agop in isap tan titin fidian sad tamolpein kagin ipidinai a.
Juda tia yan in tinid digane panip dumado wa.”

¹³Aria, hai an fidian ninemi wo Anut igo nusumiani a. In mi, madok uyanan a ninen o mala nouk amado dan san fun, an ilom lo rumok an lo yousai tubun, agod ilo maror mok an an bubem lo idaisuda yak, ago ka igane ilasa wa. Ago dop an lo na an Urgun san dabai lo tubun mi mala nouk amado dan lo atur a.

Anut Pol ipilianig gob adi ibinawai o ru sinek tamol ilasa ya

¹⁴Hai teig taog, aenta an ninemi wo hai durupaiag a, nek ago mi naisag ilog dam ru kisaek an mi ago irupaiag da. Ru an igo ya. An kagin uyan ak tinim lo yen an awan isa ya. An manau amam da ya, an ninen an ansem nug ka apitenani wa, ago dop an nugnug lo ansam ilo sou katukan an akubune wa. ¹⁵Gug naisag girek en lo, hai ru kagin aenta jurupaiag an kuai te nabol ilasap alon an ninen ta narer na ya. An lo hai ananem ilo sou nabisa dop ate an mel gubak mi alon la yan ilom isou da wa. Hai Anut san ilo munanek lo yanak ipanag amaiak lo ago nigane ya. ¹⁶In hai Jesus Kristus san urat pinein ipilianag go Juda tamolpein tia amaiak jbinawai o npalu ya. Agod naisag urat en igo ya, hai pris igo won Anut san bilalun uyanan an nfulale wa, ago dop an lo hai tamolpein Juda tia yan njal pe lou kawan igo won Anut tuon lo nidirai a. Agod Anut hai tuog lo njal pe Awan Urgun san dabai lo tamolpein e gun idiraig dilasa yen Anut uyan ipidinai a.

¹⁷Amiaiak ninen o, hai Jesus Kristus lo Anut san urat uyan ak wei mi nigane ilasa ya. Amiaiak lo Anut naon na naiseg ka ipitianag a. ¹⁸Hai mel dugon Kristus naisag urat lo ta igane na yan ninen o nabol ilasa wo narer da. Tia, hai gob adi dal an nukubiai dilep Anut awan duri dupani san amaiak mi ninen o ka nabol ilasa wa. Mel ta naisag ru lo, naisag urat lo, ¹⁹naisag kulob girager in urat tutubun da nigane dan lo, agod Awan Urgun san dabai lo, amaiak mi ninen nabol ilasap alon a. Amiaiak lo hai aben fidian lo nau a, Jerusalem na fun nigane gug nau nag naisag turen wadan Ilirikam^h na nilasa ya. Hai Jesus Kristus san bilalun uyanan amaiak panu fidian san tamolpein jurupidai dulon a, mel ta hai numiani man tia ya. ²⁰Hai panu fidian a Kristus yan dulon san tia yan lo nau ate in yan nfulale wo ilog ibol da. Naiseg ilog pempem yen dan ago mi a. Hai ago nigane dan fun dugo, hai talpein sen ak san kadan iguni la yak fo na ab nususe man namoi a. ²¹Tia, nek ru girek lo ibol ago,

“Tamolpein a in ninen o ta durupidai dulon na yan in dile dulon a.

^h Albania

Agod tamolpein a iŋsan ru ta duloŋ na yan, iŋ ilod isafulale wa.”

Pol Rom na yau o ilon yen da

²²Ŋai aŋsam na ta ŋpalu na man fun ŋai panu aenta lo urat wei mi ŋigane na ya, agod an ŋai aŋsam na ŋpalu san dal itute ya. ²³Gug gamu panu an fidian lo man ŋai abeg tia ya, amaiak niŋen ŋai ante ru ŋufulale na yan gamu itout a. Ananar wei kasik ŋai aŋsam na ŋpalu wo ilog yen a, ²⁴agod gamu ŋpalu wo ago ŋigane da. Ŋai Spein na ŋaup ru ŋufulale wo ŋigane da. An niŋen saen ŋai aŋsam gigin lo ŋpalu dan, ŋai saen katukan mi aŋ ŋiliaŋ o ilog isou da. Ŋai aŋ da tumado wo ilog uyanan da, murna gup aŋ ŋai Spein na ŋau an niŋen asatuanag dop dabai ka apanag a. ²⁵Ak man malan malan man ŋai Jerusalem na ŋaup ilo rumok adi atna dumado dan ŋubinawai o ilog yen da. ²⁶Midaeŋ fidian a Akaia na Masedonia na dumado dan ilo sou diganeg, moni dutumanig ilo rumok adi filiad tia a Jerusalem na dumado dan sad na digane yau a. ²⁷An man iŋsiganed ilo girek mi a. An uyan mok a, ago gug mel en dam rumok a, Juda adi iŋ iŋsad pani naon ta gob adi tinid lo yen da. Man dugo, Juda ilo rumok adi iŋ mel uyanan ŋutun san a Jesus Kristus lo amaiak iŋ dupidinai a. Ago yak niŋen tamolpein Juda tia yan melmel tinid san an ate iŋaned pani naon dukubune wa, an lo iŋaned muruan aenta dupasi yau a. ²⁸Aria, ŋai iŋaned ru nuŋon digane yan ŋiŋane ŋaup banid lo ŋigane gup fon aŋsam na ŋpalu da wa, ago gup Spein na ŋau a. ²⁹Taida mi, ŋai ago ŋaloŋ ak saen ŋai aŋsam na ŋpalu dan, ŋai Kristus san bar ŋai lo awan isa yan aŋsam na ŋpalu dop da ŋisini ŋpalu wa.

³⁰Ŋai teig taog, ŋai abinawag o ŋusumianaŋ da. Aŋ Jesus Kristus san a, nek ŋai igo mi a, agod Awan Urgun san ilo panek aŋ dam bubem lo igane ya. Fun an niŋen, saen ŋai ŋugudani dan aŋ ŋai awag abatep gudanek tubun ak tigane wa. Agod aŋ Anut asumiani oŋ dop ŋai ibinawag a.

³¹Juda ilod lo rumok tia yak a Judea na dumado dan iŋ ŋai dufunag o digane da. An niŋen o Anut asumiani dop ŋai iŋ banid lo ipasag iŋiliag a. Ŋai iŋanen tamolpein Jerusalem na yan lulunad lo urat ŋigane wan dam niŋen asumiani dop urat an niŋen ilo uyan ipidinai a. ³²Ago dop Anut ilon ibol tap, ŋai ilo uyan amag da ago aŋsam na ŋpalu pe aŋ ŋai da ilod kisaek sisem yaes tabal uyan a. ³³Ilo maror san Anut aŋ fidian da ka amado wa. Rumok.

Pol ilo uyan ru tamolpein wei mi ipidinai a

16 ¹Aria, gamu ŋai ru wadan taida ŋurupaiaŋ o da. Id lud Fibe iŋ Rom na ipalu wa, ago yak niŋen o aŋ iŋ kagin apani uyanan o ŋai ilog ibol da. Iŋ pein gurman, agod iŋ Kenkria taun san midaeŋ an lulunad lo urat igane da. ²Iŋ dam Tubun en san ilo rumok pein, ago yak niŋen aŋ ilo uyan lo mi aŋanep kagin apani wa. Ilo rumok adi dal naon

an dirip dutor ak man uyanan a. Pein an mel ta lo katukan dop abinawi. Man dugo, in tamolpein wei mi ibinawai na ya, agod nai dam ibinawag a.

³ Akwila iwon Prisila da ilo uyan nupidinai, in nai dibinawag go Jesus Kristus san urat migane ya. ⁴ Agog saen Juda nai dufunag o digane yan in nai dubalgiranag a, in nai abeg dijaneg dumat o ta direr na ya. An ninen naineg ilo uyan in nupidinai da, agod nai mi tia ya, tia, tamolpein Juda tia yan sad midaen in dam inaned urat uyanan an ninen ilo uyan dupidinai a.

⁵ Agod fon ilo uyan midaen a insad ab lo dutumani dan sad na migane yau a.

Naineg turag Epenetus naisag ilo uyan in apani, in tamol malan malan Esia ilon lo in Kristus ninen ilon lo rumok a.

⁶ Maria ilo uyan apani, in an ninemi wo urat wagai tubun mok igane se ya.

⁷ Andronikas in iwon Junia da ilo uyan apidinai. In nai turag muroug Juda, agod in nai da sisem dusubanama ya. In dam yanad aposel, agod in Kristus malan malan dulong gug nai murna nalong a.

⁸ Ilo uyan Ampliatus apani, Tubun en san kagin lo in naisag turag uyanan a.

⁹ Ilo uyan Urbanas apani, in man da sisem Kristus urat an migane da, agod naineg turag Stakis dam ilo uyan apani.

¹⁰ Apeles ilo uyan apani, insan urat uyanan an Kristus ileg ilon uyan a. Ilo uyan ilo rumok adi Aristobulas san samun lo yan apidinai.

¹¹ Herodian ilo uyan apani, in nai turag, in dam Juda.

Ilo rumok adi Nakisus san samun lulunad lo dumado dan ilo uyan apidinai, in dam Tubun ak san.

¹² Trifena in Trifosa da ilo uyan apidinai, pein uraru an Tubun en ninen o urat wagai digane da. Persis ilo uyan apani, pein an mananema luma, in ninen tubun mi mamat da, in dam Tubun en ninen o urat wagai igane da.

¹³ Rufus ilo uyan apani, Anut an lulunam lo yanan tubun ak ago ipiliani a. In tinan dam ilo uyan apani, in dam naisag tinag on a.

¹⁴ Asinkritas in Flegon, agod Hemes, Patrobas, Hermas agod ilo rumok adi aenta in dadi dutumani dan ilo uyan apidinai.

¹⁵ Filologas in iwon Julia da ilo uyan apidinai, agod Nerias in lun da dam, agod Olimp as in ilo rumok adi fidian dida dumado dan an dam ilo uyan apidinai.

¹⁶ Ansem nug ilo uyan apani. Kristus san midaen aben e lo dumado den fidian ansam na ilo uyan digane ipalu ya.

Tamolpein a an lulunam lo biatitek digane ilasa dan leil apidinai o uyanan a

¹⁷ Teig taog, tawan agane wo nai nurupaian da. Tamol a an lulunam lo biatitek in muruan da digane ilasa dan, an ninedi wo kagin agane. Insad

ru an naon sen geig a, ibol aŋ ru rumok ak alonŋ ago tia ya. Fun amaiak ningen aŋ sen alasa wo ŋurupaiaŋ da. ¹⁸Man dugo, tamolpein naok an man Kristus Tubun en san urat ta dubinawi na da, tia, iŋ iŋsed tinid dufutuwi san urat tamol dumado da. Iŋsinad ru sewak, ru bulbal an lo tamolpein ta dulonŋ uyan na yan dirawai da. ¹⁹Tamolpein fidian aŋsam awa yabek uyanan an dulonŋ a, an ningen o ŋai aŋ niŋemi wo youg isa da. Gug ŋai ilog ibol dak aŋ kagin uyan ak mi ningen maŋau amam da, agod kagin saian ak ningen aŋaonŋ mok ak man uyan a.

²⁰Ago dop Anut, ilo maror taman an, iŋ milaen tiap Satan aŋ ŋiem paen na iganep iparfufari wa.

Jesus Kristus idsad Tubun en san ilo muŋanek aŋ da amado.

Tamol aenta ilo uyan ru diganeg Rom sad na yau a

²¹Timoti, ŋaisag urat kisaek an, ilo uyan ipanaŋ da. Nek ago mi ŋai turag muroug, Lusias iŋ Jason da agod Sosipata da dam ilo uyan dupanaŋ da.

²²Ŋai Tertias, ŋaisag banig nam Pol san girek en ŋigire ya. Ŋai dam Anut yaŋan lo aŋ ilo uyan ŋupanaŋ da.

²³⁻²⁴Gaias dam ilo uyan ipanaŋ. Iŋ maŋ da mumado ya, maŋ kagin am igane uyanan a. Agod fon midaeŋ a iŋsan ab lo dumado yan aŋsam na ilo uyan digane ipalu ya.

Erastas ilo uyan ipanaŋ. Iŋ taun Korint san moni kagin ipani da. Agod Kuatus ilo rumok tamol an dam ilo uyan ipanaŋ a.

Pol Anut yaŋan yabisa san ru wadan

²⁵Aria, gamu id Anut yaŋan tabisa dop ubou an tile wa. Iŋ ŋaisag bilaluŋ uyan ak Jesus Kristus ningen ŋufulale dan lo, aŋ dabai ipanaŋ pe lo atur sakar san idaisida ya. O gubak mi Anut san bilaluŋ en imianig imianuk yen a, ak man id talonŋ an ningen kuai te igane ilasa ya. ²⁶Agod gamu profet adi sad girek lo ru en kuai isi a. Ago dop an lo tan titin fidian san tamolpein ru e dulonŋ en Anut sen ago digane wo iŋ ru kagin ibol ilasa ya. Anut, kumaen pempem imado dan, ago ibol ilasa an lo tamolpein ilo rumok san dal turi tupani dan, iŋsan awa yabek tamolpein tilasa wa. ²⁷An ningen iŋ yaŋan tabisa. Iŋ mi Anut, iŋ mi maŋau tamol a. Jesus Kristus yaŋan lo mi, iŋ mi yaŋak tubun ak pempem iŋane wa. Rumok.